

# *O SHIPATIFO O SHITIHEYALI*



Tangi, mumwatate. Fimbo twa fikama, natu ilikaneni.

<sup>2</sup> Kalunga Omunaenghono adishe, Omutoti wOmweny, nOmuyandji waaishe iwa, eeshalinghenda dopamhepo, otwa pandula unene paife molwa ei iwa unene, yelikalekelwa, efimbo lokwoongala mOukalipo Woye; Otashi didilike oitwa inene meenghalamwen detu, Omwene, efimbo olo itatu dimbw, kutya nee ohatu kala ko olule shifike peni. Ndele ohatu ilikana, Kalunga, kutya onguloshi ei yoku pata... Otwa didilika Omushangwa, mefiku laxuuninwa loshivilo, Jesus okwa fikama mokati kavo noku ingida, "Ngeenge pe na ou a fya enota, ne uye kwaAme anwe!" Ndele ohandi ilikana, Tate Omukwaulu, osho otashi endulula natango konguloshi, opo tu ude Ewi lOmwene wetu tali tu ifana, noku tu ifana melongelokalunga laYe, okweenda popepi. Otu udite kutya otwa uda nale Ewi Laye, mepatululo lOipatifo ei, ta popi kutya efiku laxuuninwa, nefimbo oli li popepi. Wanifa omayambeko aa twa indila, Tate, mEdina laJesus Kristus, nomolwa efimano Laye. Amen.

Kaleni omutumba.

<sup>3</sup> Onda hala oku weda ko, kutya, omalongelokalunga aeshe nda kala ndi na monghalamwenyo yange, Ondi wete oshivike eshi osha kala efimbo liwa monghalamwenyo yange aishe momalongelokalunga. Kutya nee ondi na shike... Onda mona oikumifalonga inene ya longwa, shoshili, manga, omalongelokalunga eveluko inaa ningwa, ashike eshi oshi li pombada yasho. Osha kala limwe lomomafimbo manene, oididilikwa yonghalamwenyo yange, oku kala apa. noku tala etwaliongan tali monika sha yooloka; hasho ashike osho, meni otamu monika mwa yooloka!

<sup>4</sup> Ndele, paife, okwa li handi pula Billy; okwa kwata olule, opo a ile nge. Okwa ti ope nongudu ikwao ya shashwa. Osho, tai lishilile pefele, oshivike eshi, ovanhu va shashelwa mEdina lOmwene wetu Jesus Kristus. Onghee, otwa—otwa pandula. Ndele Kalunga ne ku yambeke!

<sup>5</sup> Ndele, paife, nge ku na ongeleka yopeumbo, ohatu ku shiivi oku, u uye u ongale pamwe nafye. Dimbuluka ashike kutya ongeleka oya yeuluka. Katu fi oukwaongalo, nonde lineekela nokulineekela kutya itai kala nande oukwaongalo. Okwoongala ashike oko ovalumenhu novakainhu, novamati novakadona, hatu shakene poshililo shaKalunga, noku ongala pOndjovo, notu noinima aishe momukoo umwe.

<sup>6</sup> Paife, notu na omufitaongalo muwa, omulumenhu washili waKalunga, nonde shi pandula unene. Nge oto dimbuluka,

emoniko, omudo wa pita, Oikulya oyo ya li tai tuvikilwa. Ndele oshi li lela mondjila. Ndele otwa . . .

<sup>7</sup> Otu nonhele paife, ya wana, yeengudu dofikola yOsoondaxa, domapupi aeshe, notwa hafela unene omhito ei. Vamwe ova ti, efimbo limwe, ngeno ova li ashike ve na eengudu dofikola yOsoondaxa oko va tume ovana vavo. Paife, nye, ove i na paife. Onghee, paife, onghee ila ashike u kale pamwe nafye nge ku na ongeleka yopeumbo.

<sup>8</sup> Shaashi, nge ou na ongeleka iwa oku ho i, noku udifa Evaengeli, nosho tuu, omolwashike, oyo—oyo ongudu yetu, ou wete, kumwe kulili. Ashike nge ku na keumbo, ndele ou li . . .

<sup>9</sup> Ondi udite ko kutya vahapu ova ninga, ova tembukila koitopolwa ikwao yoshilongo, oku ninga ongeleka ei yavo yopeumbo. Notwe mu tambula ko lela omu mOndjovo yOmwene. Ndele ohandi dimbuluka, ndi wete, eshi nda ya, onde mu lombwela kutya—kutya elongelokalunga, eshi ndi shii, kutya ohandi kala apa petwaliongalo.

<sup>10</sup> Nghi shi shii natango eshi Omwene e na nge monakuiwa. Onde shi lineekelela meke Laye, kashi fi ondjongo yonhumba ile sha. Onda teeela ashike, efiku nefiku, opo Ye a wilikile nge konhele oko handi dulu oku kala nelongelokalunga liwa kuYe. Ndele ngeenge Ye a mana nge, hano onde lineekela kutya Ye ota tambula nge kEumbo, nombili.

<sup>11</sup> Ndele, paife, onda pandula unene molwa elongelokumwe lovanhu vetwaliongalo. Ngaashi Billy kwa li ta lombwele nge oshivike eshi, kutya, ohandi lipula, keshe eumbo olo la kalelwa po omu metwaliongalo eli oli na umwe wavo. Ova yeulula, omaumbo eni neenhele, noku tambula mo ovanhu ava vehe nonhele yoku ya. Paife, oyo oilonga yOmukriste washili. Ndele omaumbo amwe ova fininika mo keshe umwe mokakolo keshe tava dulu, oku monena ovanhu apa tava kala.

<sup>12</sup> Molwaashi, eshi osha kala efimbo lidjuu lela, mwaashi, oshipambele sholudi lonhumba osho sha kala tashi ningwa, kombinga yomaudano ounyuni, amwe okatanga komokambaba ile sha, ne—neenhele da kufwa po. Kwa wedwa ongudu inene ya dja . . .

<sup>13</sup> Ohandi lipula, ya kalelwa po mokangeleka aka, hanga, lwopomilongombali nahetatu ile omapangelo omilongonhatu a kalelwa po omu mongeleka, inamu kwatelwa oiwana ivali oikwailongo, hano, mepapuduko eli linini. Onghee, otashi manepo lela onhele, yovene. U shii . . .

<sup>14</sup> Okwa li handi pula nena, ovanhu vamwe. Onda ti, “Ondi udite ko kapa li ovanhu vahapu unene vomoJeffersonville, moshiongalele.”

<sup>15</sup> Umwe okwa popya, ta ti, “Itatu shiiva oku ya mo.” Iya, osho, osho ngaho. Olo etomhelo. Vamwe vomovapolifi, nosho tuu, ova

li va hala oku uya koshiongalele, ashike ova ti, ova kala tava popi, tava ti, ove uya ndele inava dula oku ya mo, kutya omwa yada nale efimbo olo ngeno tava dulu oku ya mo. Onghee ove na efimbo lavo, pamwe, konima, ndele inave uya. Onghee paife ovanhu otava di keenhele dikwao, onghee otwa pandula unene.

<sup>16</sup> Paife, nighi shi shii. Oshinima eshi tashi shikula ko, otashi kala Omanghuma Aheyali, metumwalaka likwao. Ashike, mOipatifo, konyala kesheshimwe osha kwatelwa mo. Omafimbomido ongeleka otaa shikula ko, notwe a tula po tete, osho sha li sha—osho sha li sha fimana unene, ashike o...efimbo olo. Paife, ematulo lOipatifo otali ulike apa Ongleka tai i, nonhumbi Tai xulu. Ndele paife, ohandi lipula, Tate Omukwaulu okwa kala omunanghenda lela nafye, oku tu ulikila eshi tu na.

<sup>17</sup> Ndele ohandi ti ngaha, onda tala koididilikwa ikulu oyo nda udifa, omido dihapu dapita, Onda li ashike handi uya mo noku tonga eshi kwa li ndi shii shi li mondjila, noku twikila. Osha li kokule nomufinda. Ndele paife, aishe inhe yOipatifo oyo, ondi shi na hanga meudifo lominute omilongombali, ashishe shayo. Ovalondi veenghambe vanhe, vEhololo, aveshe onde va ekela kumwe ndele handi ti, “Onghambe imwe oya ya itoka,” Onda ti, “pamwe olo e—e—efimbomudo lotete. Nonghambe ya shikula ko oya ya efimbo londjala,” noku twikila ngaho. Ashike, akutu, eshi Ondjovo ya matulwa, Osha li eemaila efele kokule nasho.

<sup>18</sup> Onghee, oshe tu wapalela oku tala noku teeleta. Ndele pamwe otashi kala efimbo eli oku shi ninga. Otashi dulika pe na oinima ihapu oyo ya tongwa, oyo tai dulu oku kala itai tu kumwe novanhu vamwe. Ashike ondi wete, eshi efimbo lomhepo inene le uya, notwa shakeneka Omwene wetu, oto mono kutya Oi li mondjila. Eheno, omufimanekwa. O—O—Osho lela.

<sup>19</sup> Paife, ovanhu ovo va dja kondje yodooolopa, va dja keenhele da yooloka, ve uya va dja koikandjo ya yooloka noilongo, nhumbi nda pandula elitulemo loye oku enda oshinano ashishe, noku kufa po omafudo oye. Ndele vamwe vomuvo nokuli ka vehe na eenhele doku kala! O—ondi shi shii, molwaashi onda kwafa vamwe vomuvo va mone onhele yoku kala. Vehe na nokuli oimaliwa yokulya, ile shimwe shilili, nonghee...ve uya nokuli, nande ongaho, va teeleta shimwe shi ningwe, shi takamife. Ndele neitavelo olo linene musho, kutya nee ove noku ya vehe na oikulya, ile onhele nokuli yoku dja, ova hala oku uya va pwilikine, oinima oyo ya ningwa, nande ongaho. Ouladi lela, ou weteko. Ndele kesheumwe okwa kala yo oitwa efele limwe!

<sup>20</sup> Onda shakeneka shiwala shange omulumenuh konima kwinya, ou a li o—o...ta tungu eedopi dongeleka, nosho tuu. Ndele okwa li handi mu lombwele nhumbi nda pandula oshilonga shaye. Ame nighi fi o—omuteti womamanya, ile ndi shii sha kombinga yasho. Ashike ondi shii kutya omungenge wokolonela oshike, nongeenge wa longekekwa.

<sup>21</sup> Ndele okwa ti, "Ohandi ku lombwele." Okwa ti, "Inapa kala nale efimbo la fa e li, osha pumba, u mone oukumwe mokati kovanhu, eshi aveshe tava longele kumwe."

<sup>22</sup> Mumwatate Wood, Mumwatate Roberson, nakesheumwe ota tula ponhele yaye, kesheshimwe. Nomumwatate ou—ou a tula mo omambako, o . . . onda hala okutya ewapeko lokombada nakesheshimwe, mongeleka. Ova ti, "Kesheshimwe osha longwa nawa." Ngeenge va pumbwa sha, ope na omunhu ta fikama e shi ninge. Onghee osho . . . Kalunga oku li melandulafano alishe. Otwe shi pandula unene.

<sup>23</sup> Omaliyambo ahapu mongeleka, oku kwafa shi ningwe, ngaashi Mumwatate wetu Dauch naMumwameme Dauch ve li omutumba apa, navakwao vahapu ve liyambela oshilonga eshi. Ndele ohandi lipula, pefimbo opo, inava pumba nande osha naaishe oya futwa. Onghee otwe shi pandula unene.

<sup>24</sup> Dimbuluka, ongeleka oyoye, osheshi ove omupiya waKristus. Ndele osho ya tungilwa apa, omuvelo wa yeuluka oku ninga ovapiya, novapiya ava ve li nale ovapiya vaKristus, ve uye mo noku lityapula mokwoongala kwaJesus Kristus. Notwa hala mu shiive kutya kesheumwe okwa tambulwa ko.

<sup>25</sup> Ndele paife ngeenge tamu udu nge fimbo limwe, koshi yefimbo levaeko, handi koola ehangano lonhumba, Inandi—inandi shi tongela omhinge nomufitaongalo woye, ile omhinge nomumwatate wonhumba, mumwameme, mongeleka. Molwaashi, konima yaashishe, Kalunga oku na ovanhu mukeshe ehangano. Ashike Ye ina tambula ehangano; Ye oha tambula handimwe mehangano. Ndele o . . . Itashi pula ehangano.

<sup>26</sup> Onghee hano, ngeenge ovanhu va mangelwa mehangano, hano kave wete shimwe shilili ashike osheshi ongeleka tai ti, ou wete. Ndele tashi teya po okwoongala pamwe kwovanhu, ndele omukalo oo Kalunga ina hokwa, ndele oshipambele shopaunyuni inashi tulwa po kuKalunga.

<sup>27</sup> Onghee, paife, itandi popi handimwe. Katoolika, Ovajuda, keshe tuu eshi shi li, ile—ile Omethodiste, Obaptiste, Opresbyteria, keshe ehangano, ha omahangano, no-nomaukwaongalo, naikwao, Kalunga oku na mo ovana ve li mo. Uwete? Ndele oikando ihapu ondi wete kutya ve lile ko elalakano, oku yandja Ouyelele, tava shili mo ava ya nunwa okudja apeshe keshepamwe. Ndele—ndele mefiku olo linene, ohatu ke shi mona hano, Ongeleka yOmwene Jesus Kristus otai ifanwa kefimbo—loshiongalele shinene lokushakena moilemo, ndele atushe ohatu i tu ke Mu shakeneke. Ndele o—onda teelela otundi oyo.

Paife, ope na shihapu tashi dulu oku tongwa!

<sup>28</sup> Nonguloshi, yaxuuninwa, onguloshi yokupata, ngaashi shito, kesheumwe o . . . Melongelokalunga leveluko, onda mona, koshi yeteelelo loinima inene i ningwe melongelokalunga

leveluko, osho she va ngwangwaneka, elyalyakano. Ndele hano onda mona, oshinima shelifa konguloshi, kutya kesheumwe oku li koshi yeteelelo loku mona nhumbi... Ndele keshe oufiku, osho sha kala, molwa ematulo lOipatifo oyo.

<sup>29</sup> Paife onda hala oku shi yelifa nawa. Efimbo keshe, efimbo keshe Oipatifo ei ye uya ponhele; kesheshimwe osho nde I itavela, nda leshe yovanhu vamwe, osha kala omhinge kwaashi she uya kwaame monduda.

<sup>30</sup> Ndele omadiladilo ange, pefimbo apa... Etomhelo nda ninga elongelokalunga leveluko ongula ei, molwaashi omadiladilo ange opaunhu okwa ya kokule naashi shi li omadiladilo ange mwene. Onda kendabala oku kala momonduda momidile da kufwa mo, nouyelele wa tema. Eli efiku etihetatu. Ndele inandi ya nokuli motuwa yange, ndi—ndi ye kumwe po.

<sup>31</sup> Ondi noku ya novamwatate vamwe, komituni, oku ka shanga oididilikwa imwe naikwao, oimaliwa naikwao oyo ya indilwa kongeleka ei. Ashike onda—ashike onda aluka nda yukilila, noku ya ndi ke lilonge.

<sup>32</sup> Noshinima shikumwifa, kape nomunhu umwe a tonga sha. Ile, shito, tava konghola, noku shila, apeshe. Inapa kala sha. Osha kala oshipwe lela.

<sup>33</sup> Oko nda kala handi li, kuMumwatate Wood. Luhapu onhele oyo oi yadi eetuwa. Ndele ove na vahetatu ile ovanhu omulongo va yooloka tave uya oku kala navo efimbo eli, ndele kape na umwe womuvo e uya.

<sup>34</sup> Opo nee, ongula ei, itandi dimbwa ongula ei, efilonghenda lOmuxupifi wetu kuwaYe a loloka, omupiya a loloka. Eshi, nda nyamukula epulo lomunhu wovanhu, ndele, ngaashi handi lipula, kutya onda ninga shayuka. Ndele, ombaadilila, onga nda—nda kufa sha kokaana, Onda tokolwa unene, ndele nigli shii kutya kwa li oshike. Ndele onde lipula, pamwe oku kala handi fininike ndi ye kelongelokalunga leveluko linya, pamwe umwe ota vele unene, ovo ve noku ilikanenwa meendelelo. Nonda pula engungo. Mominute dishona, osha hololwa. Ndele umwe okwa ti, "Tho leshe loye—lesha eleshelo loye?" ile sha. Ndele pefimbo olo, onda toola po okapambu kombapila noku ka leshe vali, ndi tale eshi sha tongwa. Handi tale mOmambo, nosha li ashishe sha yooloka, epulo eli kwa li handi nyamukula. Uwete?

<sup>35</sup> Nandi shi ku pe. Ngeenge Oshipwe tashi uya mo, olo ediladilo laKristus. Oto di ko koku diladila kwoye mwene, fiyo, momadiladilo oye mwene, nda... Ngaha, ove... Inandi... Inandi kendabala oku shi ndjadujukununa, shaashi itandi dulu. Uwete? Itandi dulu oku shi ninga. Kape na ou ta dulu oku shi ninga.

<sup>36</sup> Ongahelipi omulumenhu ou, ou Elia, a fikama kwinya komhunda, koshi yOukalipo waKalunga, noku shila Omundilo

keulu, opo nee odula ya loka konima yOmundilo? Noku pata eulu, ndele inai loka omido nhatu neemwedi hamano, noku shuna noku ifana odula, mefiku tuu olo! Nokoshi yevaeko olo, nhumbi... Noku kufa mo ovapristeli omafele anhe noku va dipaa; noku fadukila mombuwa, ta kuu molwa omwenyo waye, metilifo lomukainhu umwe. Uwete? Isebel, okwa ana kutya ota kufa mo omwenyo waye. Omanga, Ahab naaveshe vakwao va li kwinya, tava tale Oukalipo waKalunga noshikumifalonga shinene sha longwa. Uwete, yaye... Omhepo oye mu fiya po. Momukalo waye wopaushitwe wokudiladila, ke shii eshi ta diladila, uwete. Ina dula okulidilaadilila yemwene.

<sup>37</sup> Ndele, dimbuluka, Omwengeli okwe mu kofifa, noku mu fuwifa po. Te mu pendula po, te mu pe omingome dimwe; noku mu shuna meemhofi, noku mu fuwifa po; noku mu pendula, noku mu pa vali omingome dimwe. Ndele katu shii eshi sha ningilwa omulumenhu, omafiku omilonganhe. Hano okwa shililwa mekololo, mwinya, ndele Kalunga te mu ifana.

<sup>38</sup> Ino kendabala oku ndjadjukununa Oshipwe. Ito shi dulu. Uwete? Oshinima ashike oku ninga, oku ya ashike komesho. Ndele ohandi hetekele oku liyelifa ngaashi handi dulu, ashike okudja nena ohandi... ohandi lipula itandi shi hetekele vali. Itavela ashike lela, ile ahawé. Ndele ame... Oto mono, konima kanini, omolwashike.

Paife, onda kendabala oku kala omunashili. Kalunga oku shi shii.

<sup>39</sup> Nepulo olo ongula ei. Okwa li handi kendabala oku li nyamukula moushili eshi ndi shii. Onda lesha ashike oshitopolwa shotete shovelise, nosha li... itashi kala mondjila. Ashike Omhepo Iyapuki, oya udako kutya onda... omadiladilo ange... Uwete, tala, avali axuuninwa ile omafiku atatu axuuninwa, eshi sha ningwa po. Uwete, onda—onda ifana omafele aheyali... “omayovi aheyali,” omafele aheyali. Ongula ei, okwa li handi kendabala, nosha toolwa po kovanhu, uwete, otashi ulike kutya omu li oupafi. Paife, mukwao umwe, opo kwa li handi kendabala okutya “onghuti,” nonde i ifana odjona; ashike onde shi kwata diva. Opo nee, apa, shimwe inandi shi kwata, Omhepo Iyapuki oye uya konima noku ifana nge.

<sup>40</sup> Olo ekoleko pavali kutya oinima ei oi li mondjila. Oya... Kalunga okwe i pashukila, a mone kutya Oi li mondjila. Oshi li mondjila. Ye okwa hala. Ye okwa hala u shiive kutya Yo Oshili.

<sup>41</sup> Ye Oye te I tumu, shaashi kasha li... Osha li shihapu kwaame, elilongo, ngaashi sha kala kwoove. Nonghee otwa... Onda hafela unene e—e—eshiivo, oku shiiva paife Omwene, otundi tu li mo; uwete, okukala lela mefimbo lexulilo, manga okuya kwOngeleka. Paife ashike...

<sup>42</sup> Otwa kala hatu popi, onghee natu indile omayambeko Aye kOndjovo natango.

<sup>43</sup> Tate wetu Omukwaulu, ope uya oufiku oo munene, otundi inene oyo eshi oshinima shinene sha ningwa. Osha kala movanhу. Ndele, Tate, ohandi ilikana opo konguloshi shi shiivike, pehe na omudidimbe welimbililo, momitima dovanhu nokomadiladilo, opo va shiive kutya Kalunga natango oku li kOlukalwapangelo, nokutya Ye natango oku hole ovanhu Vaye.

<sup>44</sup> Notundi, otundi oyo ounyuni wa djuulukwa oku mona, paife otai ehene, osheshi otai li shilile kekulilo. Otu wete oihovelifi i li poku shi alula. Otu wete oihovelifi i li poku eta Ongeleka mOukalipo waKristus. Otu wete o—Omufuko ta djala olupe, ta djala shikutu shehombolo, te lilongekida. Otu wete ouyelele tau shela. Otu shi shii kutya otu li pexulilo.

<sup>45</sup> Paife, Tate Omukwaulu, ngaashi eli tali twikile paife oku udifwa, ile oku longa mwaashi shinene, oshiningwanima sheenghono osho sha ningwa mOukwaalushe, omido omayovi avali da pita, ndele ola yandjwa komuyapostoli munene omuholike, Johannes. Nokonguloshi ohatu ke I popya. Omhepo Iyapuki nai uye komesho paife mEenghono Daye deenghono dehololo, opo Ye e tu hololele oshinima osho Ye a hala tu shiive, ngaashi Ye e na meenguloshi dishona daxuuninwa. Otwe liyandja fyevene kwoOve, nOndjovo, mEdina laJesus. Amen.

<sup>46</sup> Paife, eshi wa hala oku pandjula, pamwe, mEembibeli deni. Ndele ei ovelise ashike ixupi, ovelise imwe yOmushangwa. Ashike, ovelise yaxuuninwa, otai hangika...Oshipatifo shaxuuninwa, shapo.

Paife, onguloshi okwa li hatu popi mOshipatifo Oshitihamano.

<sup>47</sup> Oshipatifo Shotete, antikristus a hokololwa. Efimbo laye ola pwa ko, notwa mona nhumbi a dja mo.

<sup>48</sup> Nhumbi Oshinamwenyo sha etwa po, mEenghono daKalunga odo da tetekela neenghono dantikristus, oku shi lwifa! Nghi wete pe na epulo momadiladilo aumwe kombinga yasho.

<sup>49</sup> Hano otwa mona mo, diva konima yasho, kutya efimbomudo longeleka olo, Oinamwenyo oyo oya ya.

<sup>50</sup> Twa ya mo, otwa mona mo, otwa lunduluka, efano alishe apa, kape na vali Oinamwenyo ya dja mo. Uwete? Ashike, osha shiivifwa, tashi uya komesho, mefimbo lOmahepeko, konima Ongeleka ya dja po.

<sup>51</sup> Nhumbi sha wanena nawa momafimbomido ongeleka! Nghi wete okanghwanyu kamwe, oshinima shimwe osho inashi yuka nawa, nokuli komafimbomido nakesheshimwe, nomafimbo. Shi diladila. Otashi ulike, oshi noku kala Kalunga e shi ninga. Omadiladilo omunhu itaa dulu oku shi yeleka. Ndele paife otwa mona mo kutya, yo, fye...

<sup>52</sup> Omwene natu kufe Omushangwa, Omushangwa Uyapuki, eshi Jesus a ti otashi ningwa. Ndele ohatu shi mono ngahelipi? Ndele apa, okwe uya noku holola, noku shi eta naana. Eudifo laye kwinya, tali shi nyamukula, le shi eta naana koshitwa, ihamano yOipatifo, ashike Ye okwa kufa po Oshitiheyali. Uwete?

<sup>53</sup> Hano eshi Oipatifo ya matulwa, Kalunga, didilika apa, Ye okwa wana oku holola keshe edidilik 10mutiheyali. Uwete? Oshiholekwa sha yuka naKalunga. Didilika. Paife ohatu ka lescha mOmbibeli, mo—mOshipatifo Oshitiheyali. Otashi hangika mEhololo, ekapiteli eti8.

*Ndele eshi a matula oshipatifo oshitiheyali, omwa li elimweneneno meulu etata lotundi.*

<sup>54</sup> Ndele osho ashike tu na musho. Paife ohatu ka didilika.

<sup>55</sup> Noku kendabala oku ha kwata olule unene, molwaashi vahapu vomunye otamu kala mondjila, natango, konguloshi, tamu i keumbo. Nonde lipula natango, ndi na elongelokalunga leveluko ongula ei, olo tali ku efa u ye ongula, katu noku teeleta. Ndele paife otwa . . .

<sup>56</sup> Ndele ame, yo, ondi noku ya ko—koTucson, Arizona, omo handi di. Ndele eumbo lange paife. Ndele hano onda—onda hala oku alukila apa, Omwene nge e shi hala, apeshe . . . Ovakwaneumbo ova hala oku aluka omafiku mashona muJuni. Ndele, paife, pamwe ohandi ke mu shakeneka amushe apa, oshiongalele pefimbo opo.

<sup>57</sup> Oshilaye shelongelokalunga lange lashikula ko oli li koAlbuquerque, New Mexico. Ondi wete etimuwoi, etimulongo, netimulonganaimwe. Oko handi kala Etinhe mEfiku 1Evalelo. Onghee, okwa li ndi noku kala ndi na oshinima ashishe, nondi na eemhangela dikwao opo itandi dulu oku shi ninga fiyo efimbo olo, onghee ohandi kala ndi na Etinhe konguloshi nEtitano konguloshi, koAlbuquerque, New Mexico.

<sup>58</sup> Opo nee—opo nee sha—sha shikula ko, sha shiivika, konyala, shayela. Katu shi shii nawa. Eshi handi ka kala nookaume kange vawa, o—ongudu yo*The Midnight Cry*, ko . . . kwinya koSouthern waPines, North Carolina.

<sup>59</sup> Ndele ove li mwinya mongodi paife, oyo, va tuma mo oteleglama, etumwalaka, nakesheshimwe, noku uya popepi ngaha, kongudu ikwao, koLittle Rock; ovanhu vEdina laJesus ovo nda ningila oiongalele, kwinya koCow Palace okulombo kwa dja ko. Ove na onhanda yavo koLittle Rock, Arkansas. Nova kala, okudja oudwaali, va teeleta konyala onguloshi imwe. Ile, va hala aishe, ashike otava kala nokuli ve lilongekidila oufiku umwe. Nonghee onde va lombwela, ndihe shii eshi ndi noku ninga, onda ti otava dulu oku shi shiivifa, “shayela.” Hano otave shi shiivifa nale.

<sup>60</sup> Okwa ifanwa ashike? Uh-huh. Eewa. To ti ngahelipi? [Omumwatate ta ti, “Ekunguluko lomeva Apyu.”—Sd.] Ekunguluko lomeva Apyu, osho? Onda pukifa. [“Omilongombali nane.”] Omilongombali nanhe a . . . [“Mei.”] Mei? [Umwé ta ti, “Omilongombali naanhe fiyo omilongombali nahetatu aJuni.”] Omilongombali naanhe fiyo omilongombali nahetatu aJuni. Paife osha shivifwa, “Shayela,” osho, “nge olo ehalo lOmwene.” Uwete? Ohandi . . .

<sup>61</sup> Eli olo etomhelo ndi hole oku ninga oinima ei. Oto lilongo nale kashona, paife, uwete. Ngeenge handi i konhele, ondi hole oku tula ko eemhadi dange, ndi shii kutya Kalunga okwa ti, “Inda ko.” Hano nge omutondi okwa holoka, ohandi ti, “Ondi li apa mEdina lOmwene Jesus. Shuna ashike!” Uwete? Uwete? Uwete? Ndele ou—ou shi shii, edu loye, uwete. Ngeenge Ye e ku tuma keshepamwe, Ye ote ku file oshisho. Uwete? Ashike nge owa i, to mbeleke, hano nighi shi shii; Ye pamwe ke po. Onghee onda—onda hala oku shilipaleka ngaashi handi dulu. Onda kufa mahapu Ye ina lombwela nge ndi kufe, ashike ondi—ondi hole oku shilipaleka ngaashi handi dulu. Omwene ne mu yambeke amushe paife.

<sup>62</sup> Paife, paife otwa didilika, eshi shi li ovelise imwe apa, otwa hala oku ninga sha shinini—shinini manga apa. Owa didilika, otwa nuka ekapiteli eti<sup>7</sup>. Ekapiteli eti<sup>6</sup> ola xulifa Etihamano, Oshipatifo Oshitihamano. Ashike, pokati kOshipatifo Oshitihamano nOshipatifo Oshitiheyali, ope na shimwe sha ningwa po. Uwete? Nonhumbi—nhumbi shiwa sha tulwa ponhele yasho yomondjila, pokati, keti<sup>6</sup> nekapiteli eti<sup>7</sup>. Paife owa didilika mekapiteli eti<sup>7</sup>, otwa didilika, pokati kEtihamano nEtihamano, ope na elondwelo. Omalweefo, pokati, keti<sup>6</sup> nekapiteli eti<sup>7</sup> lEmbo lEhololo, noshi li pokati kOshitihamano nOshipatifo Oshitiheyali osho kutya olweefo eli la yandjwa. Paife otwa hala oku shi didilika. Osha fimana unene kutya otwa didilika okafimbo aka.

<sup>63</sup> Paife dimbuluka, konima yekapiteli eti<sup>4</sup> lEhololo, Ongeleka oya ya. Konima yo—yovalondi veenghambe vanhe va dja mo, Ongeleka oya ya. Uwete? Kesheshimwe sha ningilwa Ongeleka, osha ningwa kekapiteli eti<sup>4</sup> lEmbo lEhololo. Kesheshimwe sha ningwa melinyengo laantikristus, osha ya pekapiteli eti<sup>4</sup>. NOshipatifo Oshite shEhololo, alishe la antikristus naKristus, sha xula. Ndele antikristus okwe uya kehanauno laye, netanga laye lovakwaita; naKristus okwe uya netanga Laye lovakwaita.

<sup>64</sup> Olwoodi likulu olo la tameka nale, konale nale. Ndele hano ova li . . . Satana novaengeli vaye ova fangwa mo, ndele hano tave uya kedu. Nolwoodi ola ya mo vali, molwaashi Eva okwa tukula einda okudja opo e li kalekelwa, konima yOndjovo yaKalunga. Ndele okudja otundi tuu oyo, Satana okwa findana olwoodi kOndjovo yaKalunga, molwaashi umwe womovashitwa Vaye, oingone, oye linyengifwa. Ndele osho naana a findana olwoodi

efimbo keshe, osha kala molwaashi umwe womovapangelwa Vaye okwe linyengifwa a dje mOndjovo.

<sup>65</sup> Nosha ningwa mefimbomudo longeleka ei yaxuuninwa, okupitila momukalo wehangano. Olo, lashili, lovene, ongeleka iyapuki yaKalunga omunamwenyo, nomulondi omunaipupulu, ita tambula Ondjovo, noku shunifa ongeleka okudja mOndjovo oku ya kelongoitavelelo.

<sup>66</sup> Paife, vangapi ve shii kutya elongoitavelelo olo ongeleka yaKatoolika kaRoma oya tungilwa? Ove shi dimina? Filufilu. Oshili. Lelalela, ove shi dimina. Hasho ashike. Katoolika, oshili, itashi udifa nai omaliudo avo nande okashona, shaashi ove shi shii. Ova weda mo ashike umwe mupe, apa ha nale unene, kutya Maria okwa nyumuka. Oto shi dimbuluka, apa omido dishona dapita, hanga omido omulongo. Vangapi tamu shi dimbuluka? Ombapila, i li mo. Oshili. Uwete? Kesheshimwe, shipe “elongoitavelelo.” UWete, ashishe elongoitavelelo, ha Ondjovo. UWete?

<sup>67</sup> Omupristeli, mepulapulo lwopaife, okwa ti, “Omufimanekwa Branham,” okwa ti, “Kalunga oku li mongeleka Yaye.”

Onda ti, “Kalunga oku li mOndjovo Yaye”.

Okwa ti, “Inatu wana oku tanguna.”

<sup>68</sup> Onda ti, “Ame itandi tanguna. Ame ohandi popi ashike. Kalunga oku li mOndjovo Yaye. Oshi li mondjila. ‘Keshe ou ta kufa mo sha muYo, ile ta weda mo sha muYo,’ Ondjovo oya ti.”

<sup>69</sup> Okwa ti, “Iya, Kalunga okwa yandja . . . Kristus okwa yandja eenghono kOngeleka Yaye, noku i lombwela: keshe tuu eshi tamu mange kombada yedu, otashi mangwa mEulu; naashi . . .”

Onda ti, “Oyo Oshili naana.”

<sup>70</sup> Okwa ti, “Otu na, mo . . . komangela ei, kutya otu na eenghono oku mangulula oulunde.”

<sup>71</sup> Ndele onda ti, “Nge owe shi ningi omukalo sha yandjwa kOngeleka, nomukalo ve shi ninga, ohandi shi tambula. Nge owe shi ningi, ope na omeva apa, oku ‘shashelwa mEdina laJesus Kristus u diminwe po omatimba oye,’ uwete, ha kuumwe te ku lombwele kutya oulunde woye owa dimwa po.” UWete? UWete? Osho naana.

<sup>72</sup> Tala Petrus neeshapi, mEfiku laPentekoste. Dimbuluka, oku na eeshapi odo tava popi. Ndele o—ovalumenhu ova ti, “Ovalumenhu novamwatate, natu ninge ngahelipi tu xupifwe?”

<sup>73</sup> Petrus okwa ti, “Lidilululen, keshe umwe womunye, mu shashelwe mEdina laJesus Kristus” (molwa shike?) “mu diminwe po omatimba, opo nee tamu ka pewa oshiyandjwa shOmhepo Iyapuki. Osheshi eudaneko okunye, nokovana veni, naaveshe venya ve li kokule, ovo Omwene Kalunga ketu te ke va ifana.”

Oshi li mondjila. Onghee oshe shi mana fiyoalushe. Osha pwa. Oshe shi ninga.

<sup>74</sup> Paife, ashike, ou wete, antikristus okwe uya mo, ngaashi twe shi faneka noku shi ulika. Ehololo ngahelipi! Akutu, kutu! Ndele oku diladila, omido adishe edi, otwe shi mona tashi linyenge. Ndele osheshi ngaha lelalela, sha yukilila, OMWENE OSHO TA TI.

<sup>75</sup> Paife, ndele otwa didilika ehafo eli paife, pokati, keti<sup>6</sup> nekapiteli eti<sup>7</sup>. Paife, ekapiteli eti<sup>7</sup> lEhololo, apa o—o...tali holola oiningwa. Kashi mo omu molwa sha. Inashi tulwa mo, pokati kaashi, molwa sha. Uwete? Oi li apa molwa elalakano, noshi li ehololo olo tali holola sha. Didilika nhumbi shikumwifa nonhumbi shayela sha wapalela nawa mOmushangwa! UWete? Naana.

<sup>76</sup> Owa itavela momuvalu waKalunga? Nge ino shi ninga, owa kana shili mo... Oto ka kana shili mOndjovo, nge owa tameke oku tula anhe ile ahamano, ile—ile sha, ponhele yoitya yomuvalu i li melandulafano. Oto kala nasho moshiningwanima, ongobe tai tona omwiidi koxulo yomuti, kwinya. Otashi ku mane. Molwaashi, Kalunga iha... Ondjovo Yaye aishe ohai endele mo-mo—momuvalu. Eheno, omufimanekwa. Wa yukilila, wa yukilila nawa! Kape na omushangwa wa shangwa we U fa, we U fa, wa yukilila momuvalu.

<sup>77</sup> Paife, e—ekapiteli eti<sup>8</sup> otali holola ashike oshiningwanima sho—shoshiningwanima shOshipatifo Oshitiheyali, omo shimwe shilili inashi hololwa, paife, kape na sha. Inashi hololwa mOshipatifo Shitiheyali...paife, kashi na sha nekapiteli eti<sup>7</sup> le—lEhololo. Ota li hololola, lOshipatifo Oshitiheyali, ola mata nawa. Ndele ngeno okwa li ndi nefimbo...ohandi kendabala eenhele dishona, oku mu ulikila.

<sup>78</sup> Konima akushe kwinya, okudja kuGenesis, ekapiteli eli Etihe...ile Oshipatifo shitiheyali sha—sha—sha popiwa. Okudja pehovelo lela, muGenesis, ou Oshipatifo Shi....

<sup>79</sup> Oipatifo ei oya ya pombada. Ito dimbuluka, ongula ei, tai eta po oinima ei? Ndele tala, konguloshi, va eta. Ndele oto mono mo, ngeenge tashi fiki kOshipatifo eshi Oshitiheyali, ota tete ko. [Mumwatate Branham ta topifa omunwe waye—Sd.] Eheno.

<sup>80</sup> Jesus Kristus, moku popya, Yemwene, a tonga exulilo lefimbo. Ndele eshi Ye a mona...A tonga Oipatifo ihamano aishe. Eshi Ye a ya kOshitiheyali, Ye okwa kanghama. Osho ngaho, uwete. Oshinima shinene.

<sup>81</sup> Paife, paife, ohatu ka popya apa paife mekapiteli eti<sup>7</sup> eli, umunute ashike, oku—oku i teya, pokati kOshitihamano nOshipatifo Oshitiheyali. Molwaashi, osho ashike oshilongifo tu noku twikila, paife ngaha, olo Etihamano...pokati kOshitihamano nOshipatifo Oshitiheyali, oku ifana mo Israel.

<sup>82</sup> Paife, ondi na ookaume vahapu vawa Eendobwedi daJehova di li omutumba apa, opuwo...ile da kala. Pamwe vamwe vomuvo natango Eendobwedi daJehova. Ashike alushe ova tula, Omufimanekwa Russell a ninga, omayovi efele aa nomilongonhe nanhe, oku kala Omufuko woshipwe waKristus. Uwete? Ova... Hasho.

<sup>83</sup> Kashi na sha nefimbomudo longeleka, nande. Vo ova Israel lelalela. Paife, ohatu ka lesha mokafimbo kashona. Paife, olweefo eli, pokati kEtihamano...Oipatifo, oku ifana noku pata Ovajuda omayovi efele nomilongonhe nanhe, va ifanwa mefimbo lOmahepeko, konima Ongeleka ya ya. Uwete? Kashi na sha nefimbomudo longeleka, nande. Akutu, ova ifanwa, nove li lela mombili nOmushangwa. Oivike itatu netata yaDaniel, ya topolelwia kuDaniel “kovanh,” uwete, kashi fi Ovapaani. KuDaniel “ovanhu,” naDaniel okwa li Omujuda!

<sup>84</sup> Paife didilika, Israel, Israel okwa itavela ashike ovaxunganeki vaye, ndele, konima va shilipalekwa.

<sup>85</sup> Ndele kashi mo mefimbomudo longeleka, okudja mOngeleka yopetameko yoshiyapostoli, ongeleka yOprotestant oya kala nale nomuxunganeki. Lombwele nge kutya okwa li lyelye, noku shi ulikila nge. Nande! Ove na, mefimbomudo loshiyapostoli lopetameko, umwe ha ifanwa Agabus, ou a li omuxunganeki a shilipalekwa. Ashike mo...Eshi Ovapaani ve uya mo, mefyuululo laKalunga, naPaulus okwa pilukila kOvapaani. Konima Petrus, ngaashi twa lesha onguloshi, okwa pewa kOmwene, kutya, “Ye okwa li ta kufa o—ovanhu okudja mOvapaani, molwa Edina Laye, Omufuko Waye,” hano inapa kala nale, momapandja ondjokonona, omuxunganeki wOmupaani. Paife shuna ashike mondjokonona u mone mo. Omolwashike? Naana, otashi kala omhinge nOndjovo. Naana.

<sup>86</sup> Eshi tete sha tetekela, osha li onghoshi, osha *li* ovaxunganeki: Ondjovo.

Sha shikula ko sha tetekela, osha li oshilonga, eyambo.

Sha shikula ko she uya, osha li elungameno lo—lomunhu.

<sup>87</sup> Ashike otwa udanekelwa, mefimbo laxuuninwa, oku alukila kOngeleka natango, mouwa wokuyukililifa aishe oyo ya kala ya pukifwa, ya shekunwa, inai ningwa, ya fyaalapo inai ningwa. Osheshi, osha tengenekwa apa kutya Etumwalaka lomwengeli omutiheyali otali wanifa oiholekwa yaKalunga. Ndele, hano, otwa pitila mo muYo aishe. Otu wete kutya Oi li lela mombili nOmushangwa. Olo etomhelo.

<sup>88</sup> Paife, iho lipula, ngeenge omunhu ou te uya poima? Ngeenge te shi ningi, dimbuluka, otashi kala melininipiko unene naikwao, fiyo eengeleka tadi i shekuna kokule. Ndele iho lipula, eengeleka, natango koshi yeenghulunghedi dovatungululi, tava tambula omuxunganeki a dja kuKalunga, olyelye ta kala lela omhinge nomalongo avo nomahangano?

<sup>89</sup> Paife, ope na ashike omunhu umwe ta dulu oku shi wanifa, Omhepo imwe aike oyo ya kala kedu, oyo ndi shii. Otashi kala yo...Oshi noku kala Elia, mefimbo laye. Ndele osha tengenekwa kutya osho tashi kala, osho kashi fi sha ashike Omhepo yaKristus.

<sup>90</sup> Eshi Kristus e uya, Ye okwa li ouyadi. Ye okwa li Omuxunganeki. Ye okwa li o—Kalunga kovaxunganeki. Uwete? UWete?

<sup>91</sup> Kristus, tala nhumbi ve Mu tonde. Ashike Ye okwe uya naana omukalo Ondjovo ya ti Ye ote uya. Ashike oku kala kutya Ye okwa li Omuxunganeki, ove li sheka vovene mOuhamba waKalunga, moku ifana Omhepo yaKalunga, oyo ya li ina tongola nosho tuu, “omhepo ya nyata.” Ta ti, “Okwa li o—okwa li omunyanekeli, ile omunawii,” osho ngaho.

<sup>92</sup> Omunyanekeli oye omunawii, uwete, omhepo yomunawii. Lelalela. Ou shi shii tuu? Lelalela. Okunyanekela ehopaeneno lomuxunganeki, olo li li lela esheko koshipala shaKalunga.

<sup>93</sup> Paife didilika. Va ifanwa, mombili ya wana nOmishangwa, daDaniel daxuuninwa nhatu netata limwe.

<sup>94</sup> Didilika, omuitaveli waIsrael—ovaitaveli aveke va lombwelwa, mEtestamenti Likulu, oku itavela ovaxunganeki vavo konima omuxunganeki a shilipalekwa. “Nge ope na umwe mokati keni, ou e li omukwamhepo ile omuxunganeki, Ame Omwene Wange-...Kalunga koye ote lishiivifa Mwene kuye, noku popya naye momamoniko, meendjodi, ta fatulula eendjodi.” Umwe oku na ondjodi, omuxunganeki ota dulu oku i fatulula. Ndele nge—nge oku na emoniko, ote li popi. “Ohandi mu lishivifile Mwene momamoniko nomeendjodi, handi li shiivifa Mwene. Ndele nge eshi ta tongo tashi wanifwa, hano pwilikina omuxunganeki oo, shaashi ondi li pamwe naye. Nge hasho, hano ino mu tila nande.” Heeno. Oshi li mondjila. “Inda, mu efa ashike, uwete.” Paife osho...

<sup>95</sup> Paife, Israel alushe ote ke shi itavela. Ndele ku shi wete? Molwashike?

Paife onda hala u kwate oshilongwa eshi shiwa, konguloshi, paife.

<sup>96</sup> Omolwashike? Molwaashi, oo omulandu wa dja kuKalunga, kuvo. Nghi na ko na sha kutya oumbo vangapi ovo Ovapaani tava dulu oku mona ko noku andjakaneka. Nghi na ko na sha kutya oshifike peni wa pitila muIsrael nOmbibeli koshi yokwooko kwoye, to yelifa *eshi, osho*, ile *shikwao*; itava tambula sha kakale komuxunganeki. Oshi li lela mondjila. Osheshi, omuxunganeki oye aeke ou ta kufa Ondjovo yOukwakalunga noku I tula ponhele Yayo, noku kala omuxunganeki a shilipalekwa. Otave shi itavele. Oshi li mondjila.

<sup>97</sup> Ngaashi kwa li handi popi nOmujuda apa poBenton Harbor, eshi John Rhyn, e li omupofи onghalamwenyo yaye aishe, hanga, a twikuluka. Ova twala nge ko, eumbo olo laDavid. Ndele rabbi ou okwa dja ko neendjedi daye dile. Okwa ti, “Okoufemba ulipipo wa twikulula John Rhyn?”

Onda ti, “MEDina laJesus Kristus, Omona waKalunga.”

<sup>98</sup> Okwa ti, “Nashi kale kokule naKalunga a kale e na Omona!” Uwete? Ndele okwa ti, “Ovanhu nye itamu dulu okuteta Kalunga moipambu itatu noku Mu yandja kOmujuda. Ninga mo Ookalunga vatatu muYe; nye onduba yovapaani!”

<sup>99</sup> Onda ti, “Itandi Mu tetaula moipambu itatu.” Onda ti, “Rabbi, itashi kala oshinima shikumwifi kwoove oku itavela umwe womovaxunganeki voye e shi tonga . . . shimwe sha puka?”

Okwa ti, “Ovaxunganeki vetu ihava popi sha epuko.”

Onda ti, “Olyelye Jesaja 9:6 ta popi?”

Okwa ti, “Messias.”

<sup>100</sup> Onda ti, “Hano, Messias ota kala Omuxunganeki Omulumenhu. Oshi li mondjila?”

Ta ti, “Eheno, omufimanekwa. Oshi li mondjila.”

<sup>101</sup> Onda ti, “Ulikile nge apa Jesus e shi shekuna.” Okwa ti . . . Onda ti, “Ekwatafan lashike Omuxunganeki Messias ta kala naKalunga?”

Okwa ti, “Ye ota kala Kalunga.”

Onda ti, “Oshi li mondjila. Paife ou shi na komutwe.”

<sup>102</sup> Onghee kwafe nge, opo Omujuda a fikama nomahodi taa pololoka keemhanda daye, ta ti, “Ohandi ku udu fimbo limwe nale.”

Onda ti, “Rabbi, owe shi itavela?”

<sup>103</sup> Ndele okwa ti, “Tala,” okwa ti, ““Kalunga ota dulu oku shitukifa omamanya aa ovana vaAbraham.”” Ondi shi shii kutya okwa li mEtestamenti Lipe.

Onda ti, “Omondjila, Rabbi! Paife ongahelipi kombinga yasho?”

<sup>104</sup> Okwa ti, “Nge onde shi udifa, oko handi kala,” ou shii apa onhele yavo i li koshikulundudu kwinya, “mwinya mepandavanda, handi indile omungome wange.”

<sup>105</sup> Onda ti, “Xwepo ndi kale ko handi indile omungome wange.” Omujuda natango oku na omake aye koimaliwa, ou weteko. Uwete? Uwete? “Xwepo ndi . . .” Nedina laye moshingoldo, mo . . . Onda ti, “Xwepo ndi kale ko, okulya omungome womongwa nokunwa omeva komututu woshiti, ndi shii kutya ondi li moukumwe naKalunga, moushili; shidulife handi kala omu nedina lange ketungilo oku, meendada

doshingoldo ngaho, ndi shii kutya ondi li kokule naKalunga. Ondi shi shii." Ita pwilikine vali kwaame, onghee okwa ya mo.

<sup>106</sup> Ashike osho ngaho. Ito dulu okuteta Kalunga moipambu ivali ile itatu, va ifanwa "Xe, Omona, nOmhepo Iyapuki," noku ninga Ookalunga vatatu noku shi yandja kOmujuda. Oshipango shaye tuu osho, "Ino kala u nookalunga vamwe koshipala Shange. Aame Omwene Kalunga koye." Jesus okwa ti ngahelipi? Jesus okwa ti, "Pwilikineni, Akutu Israel, Aame Omwene Kalunga koye, Kalunga umwe." Ha vatatu; ito shi va pe. Ahawe. Kape na omuxunganeki ta popi kombinga yOokalunga vatatu. Ahawe. Kape na. Ito shi udu. Ahawe, omufimanekwa. Oo oupaani noukwaunyuni oku sha dja. Eheno, omufimanekwa.

<sup>107</sup> Didilika. Ashike ovaxunganeki ava otave uya. Hasho ashike osho... O—ovaxunganeki, paife, Ehololo 11. Otwa leshe dimwe dasho. Nonda hala u shi leshe ngaashi to lilongo, mouteipa nosho tuu. Vo ovaxunganeki vashili va shilipalekwa, keditiliko lovaxunganeki. Hano Israel ote ke shi uda.

<sup>108</sup> Paife, kunye, ookaume kange Eendobwedi daJehova, omu udite ko paife kutya aa, omayovi efele nomilongonhe nanhe, kashi na sha nOmufuko. Kape na Omushangwa umwe oku shi yambidida. Ahawe, omufimanekwa. Kave fi. Vo Ovajuda. Ovahoololwa ava va ifanwa mo mefimbo laitatu yaxuuninwa nomido etata loivike omilongoheyali yaDaniel. Paife osho... .

<sup>109</sup> Ohandi—ohandi shi endulula. Ha unene kunye amushe apa, ashike, uwete, ovanhu, outeipa ava otava i keshepamwe, ou wete. Ndele omu shi udite ko. Omu udite nge handi endulula. Omolwa elalakano olo.

<sup>110</sup> Didilika. Paife tala nhumbi ve na, ovapofi, ou wete nhumbi ve na... ? Jesus, ile, Kalunga oku noku pohipaleka Ovajuda, oku va kelela koku dimbulula Jesus. Ngeno ova li ve shi shii, ngeno ova li ve shi shii... Va mona edidiliko olo Ye a ninga, ngeno ova li mondodo yavo ya yuka, ngaashi va li koshi yomhangoshi Kalunga e va lombwela kombinga yomuxunganeki, nova mona Jesus e shi ninga, ova ti, "Ou oMessias." Omolwashike sha li ngaho?

<sup>111</sup> Ava mefimbomudo olo, ava ve na omadina avo a shangwa mEmbo lOdjona lOmwenyo, ovayapostoli Vaye nosho tuu, ove shi mona noku shi dimbulula.

<sup>112</sup> Omolwashike aveshe inave va ningila? Uwete, ova pohipalekwa. Kave shi wete. Kave shi wete, natango. Ndele itave shi mono nafiyo a dalwa onga oshiwana, poshikando. Itashi dulika... .

<sup>113</sup> Ondjovo itai dopa. Dimbuluka, Ondjovo itai dopa. Nghi na ko na sha kutya omaliudo angapi u na, naashi ashishe tashi ningwa po, tuu Ondjovo oyo ihai dopa. Otashi ka kala naana omukalo Kalunga a ti osho shi li. Uwete? Paife, otwa dimbulula kutya oinima ei oi noku ningwa.

<sup>114</sup> Ndele olo etomhelo inava dimbulula Jesus eshi Ye e lididilika nawa Yemwene e li Omuxunganeki.

<sup>115</sup> Nokuli o—omukainhu munini wOmusamaria a fikama penya pondungu. Ye ina kala muSamaria; Ye okwa ya ashike pombada, ta ti Ye okwa pumbwa okuya nondjila oyo, ndele Ye okwa ya ko. Ndele opa li omukainhu oo munini. Ndele ye, monghalo yaye, okwa li molupe lixwepo a tambule Evaengeli ve dule ovapristeli ovakwamhepo ovo naikwao yefimbo olo. Okwe shi ninga. Lelalela. Paife, uwete?

<sup>116</sup> Ashike, komesho yomaanyo avo aeshe, natango umwe womovanenenhu wavo a dimina kutya ove shii kutya Ye Omulungi a tumwa kuKalunga.

<sup>117</sup> Okwa li handi popi naumwe womovandokotola vawa lela ve li momapangelo oshiumbuwanhu, mombelewa yaye, ha nale unene. Omunawino muwa lela moLouisville, omulumenhu omuladi washili. Ndele onda ti kuye, onda ti, “Ndokotola, onda hala oku ku pula epulo.”

Okwa ti, “Eewa.”

<sup>118</sup> Onda ti, “Onda didilika edidiliko loye lounamiti, oinima. Ou na ko eyoka la dingilwa koshiti. Ola fikamena po shike?”

Okwa ti, “Nghi shi shii.”

<sup>119</sup> Ndele onda ti, “Osha fikamena po ngaha: osha li edidiliko leveluko lOukwakalunga, omo Moses a tulika eyoka loshivela shitwima mombuwa, uwete, olo la li edidiliko alike, edidiliko alike laKristus washili.”

<sup>120</sup> Paife, nena, omuti oo edidiliko leveluko lOukwakalunga. Nonande vahapu vomuvo inave shi itavela, eendokotola diwa ode shi itavela. Ashike vamwe vomuvo inave shi itavela. Ashike edidiliko lela olo va diinina tali hepafulula Eenghono daKalunga Omunaenghono adishe, kutya nee ova hala oku shi itavela ile ahawe. Uwete? Oshi li mondjila. Ope na eyoka loshivela shitwima la endjelela koshiti, momushangwa wounamiti.

<sup>121</sup> Paife didilika Ovajuda ava. Paife, oihongwafano youpofi oya li momesho ovanhu ava. Vo, inava dula oku shi kwafa; opo sha li, ndele Kalunga okwe shi tula po. Ndele oko ve li nafiyo efimbomudo olo va udanekelwa, ovaxunganeki ava tave uya. Oto dulu oku tuma ovatumwa, oto dulu oku ninga keshe eshi wa hala; Israel ite lidilulula nafiyo ovaxunganeki ava tave uya poima, notashi kala konima yEvakulo lOngeleka yOvapaani.

<sup>122</sup> Kape na vali efimbomudo lonani tai dulu oku pewa eifano longhoshi, osheshi Kalunga okwa ti mOndjovo Yaye kutya Omhepo yokufudila mo oya dja mo. Ndele mefimbomudo lovatungululi, omulumenhu a dja mo. UWete? Ou li ashike . . .

<sup>123</sup> Osho ashike oshinima ove . . . tava dulu oku tambula. Osho . . . Ndele, omo paife, ova pofipalekwa. Osho ashike shi li po. Paife didilika.

<sup>124</sup> Ashike efimbomudo otali uya eshi Ovapaani tava xulifwa po. Ope na omuti, nomidi oda li Ovajuda, noda tetwa ko; nOumupaani owa twikinikwa mo, “omupwidi, omuti weemono,” notau eta po oiimati yawo. Paife, eshi Omufuko wOmupaani oo a dipawa, omuti wOmufuko oo nda popya, nokwa twalwa mOukalipo waKalunga; Kalunga ote va feta po Ovapaani vehe wetike, lwaapa pombinga (oukadona va kofa), noku twikinikwa natango. Ye okwa udaneka oku shi ninga.

<sup>125</sup> Ndele nafiyo efimbo olo, ou noku shiiva apa u li... Nge ou shii oku wa yuka, iya, eewa. Nge ku shi shii, oshike, oto pundauka momilaulu.

<sup>126</sup> Paife, osho ngeenge Ovajuda tave lidilulula, mefimbomudo olo. Paife, ngaashi efimbomudo longeleka, koshi yeenghono deudaneko la vaekwa, otava tambula Kristus; ashike, paife, ha fimbo Ovapaani ve li mo. Paife otu wete oludi letumwalaka olo ovaxunganeki ava vaval, lEhololo ekapiteli eti11, tava udifa. Paife ou wete ko nawa eshi tava ka ninga. Osheshi, oshixupe, ile omayovi efele nomilongone nane, va nunwa, va tambula Oshipatifo shaKalunga.

<sup>127</sup> Natu lesheni. Paife pwilikina nawa paife. Paife onda hala u leshe pamwe naame, nge oto dulu, shaashi ohandi ke shi yukifa konima kashona, ekapiteli eti7, paife, eshi oshi li pokati kEtihamano nOshipatifo Oshitiheyali.

...konima yoinima ei—konima yoinima ei (Oipatifo ei)...

<sup>128</sup> Oshipatifo Shitihamano osha matulwa, noshi li efimbo lOmahepeko. Kesheumwe ou shi udite ko paife? [Eongalo tali ti, “Amen.”—Sd.] Oshipatifo Oshitihamano osha matulwa, nOmahepeko okwa twikila. Konima yaashi, oshike?

...konima yoinima ei onda mona ovaengeli vanhe va kala ofika keembinga nhe dedu, va li tava kangheke nokukwata eemhepo nhe dedu, opo iha pepe nande omhepo kombada yedu, nokombada yefuta, ile kombada nande yomuti umwe. (Ovaengeli vanhe!)

Ndele onda mona omwengeli umwe elili te uya a dja oko haku di etango, okwa li ena oshididilikifo shaKalunga omunamwenyo: nokwa lalekida ovaengeli venya vane, vali va pewa eenghono dokunyona po efuta, edu... efuta,

Ndele ta ti, Inamu nyona po edu, ile efuta, ile omiti, fimbo hatu didilike ovapiya...

<sup>129</sup> Ha Omufuko. “Ovapiya.” Ha ovanamati. “Ovapiya.” Israel alushe okwa kala ovapiya vaKalunga. Ongeleka oyo ovanamati, uwete, padalo. Israel omupiya Waye. Tala, keshe onhele, alushe osho sha kala. Abraham okwa li omupiya Waye. Katu fi ovapiya. Fye ovana, ovanamati novanakadona. Heeno.

... vo ... *vaKalunga mombaba yoshipala shavo.*

<sup>130</sup> Paife tala.

... *Kalunga ketu mombaba yoshipala shavo.*

*Ndele onda uda omuvalu waava va didilikwa: . . .*

<sup>131</sup> Paife onda hala u pwilikine nawa keleshelo lavo.

... *nopa didilikwa omayovi efele nomilongonhe naane vomomapata aeshe ovana vaIsrael.*

<sup>132</sup> Ye okwe va tumbula nawanawa. Paife, nge omu na omukonakoni Omubritish Israel e li omutumba omu, pwilikina nhumbi tashi kufa mo omhepo, uwete.

*Vomepata laJuda omayovi omulongo naavalvi va didilikwa.* (Va ifanwa, “epata.”) *Vomepata laRuben omayovi omulongo naavalvi va didilikwa.* *Vomepata laGad . . . omayovi omulongo naavalvi.*

<sup>133</sup> Tala o—tala omapata oye paife.

*Ndele vomepata laAser omayovi omulongo naavalvi va didilikwa. . . . epata laNaftali omayovi omulongo naavalvi va didilikwa. . . . epata la—laManasse . . . omayovi omulongonaavalvi.*

*Nepata laSimeon . . . omayovi omulongo naavalvi va didilikwa.* *Vomepata la—laLevi omayovi omulongo naavalvi va didilikwa.* *Vomepata laIssaskar . . . omayovi omulongo naavalvi.* (Isaskar, ondi wete osho to popi.) . . . *omayovi omulongonaavalvi.*

... *epata laSebulon . . . omayovi omulongonaavalvi.* *Nepata laJosef omayovi omulongo naavalvi vali va didilikwa.* *Mwaaveshe . . . Vomepata laBenjamin ova didilikwa omayovi omulongo naavalvi.*

<sup>134</sup> Paife, ope na omapata omulongonaavalvi, omayovi omulongo naavalvi a dja mepata. Omulonganambali oikando omulonganambali . . . oshike? [Eongalo tali ti, “Omayovi efele nomilongonhe nanhe.”—Sd.] Omayovi efele nomilongonhe nanhe. Paife tala. Aveshe ova li, aveshe, vomomapata aIsrael.

<sup>135</sup> Paife tala, “Konima yaashi . . .” Paife ope uya ongudu ikwao. Paife, Omufuko okwa ya, otu shi shii. Ashike tala ongudu ei ye uya.

*Konima yoimima ei onda mona, ndele, tala, ongudu inene, ya nyengana okuvalwa, vomoiwana aishe, . . . omaludi, vomoiwana aishe, nomalaka, vo ova li ofika va taalela olukalwapangelo, nOdjona, va djalekwa moikutu itoka to, ndele vali ve kwete oivale yomilunga momake avo;*

*Ndele va ingida nondaka inene tava ti, Exupifo ola Kalunga nolOdjona ou e li omutumba kolukalwapangelo.*

*Noiwana aishe...ya fikama polukalwapangelo, nokombinga yomukulunhu noinamwenyo ei ine, ndele va wa pedu komesho yolukalwapangelo, ndele tave linyongamene koshipala shaKalunga,*

*Tava ti, Amen: Omayambeko,...efimano,...ounongo,...nepandulo,...efimaneko,...eenghono,...dinanghono, daKalunga ketu alushe fiyo alushe. Amen.*

*Umwe womovakulunhu...*

- <sup>136</sup> Paife oku li komesho yovakulunhu apa. Ngaashi, twe mu mona, mOipatifo aishe.

*Umwe womovakulunhu okwa popifa, nge ta ti, Ava oolyelye...*

- <sup>137</sup> Paife, Johannes, moku kala Omujuda, okwa dimbulula ovanhu vaye mwene. Okwe va mona molupe loukwamuhoko. Oshi li mondjila? Okwa dimbulula nokwa ifana keshe umwe womomihoko.

- <sup>138</sup> Ashike paife, ngeenge e shi wete, okwa fa a ngwangwanekwa. Ndele omukulunhu oku shi shii, onghee ota ti:

*...Ava va djalekwa oikutu itoka ovo oolyelye? nova dja peni?*

- <sup>139</sup> Johannes, ta nyamukula paife:

*Ndele onda tya kuye, Omwene, ove u shi shii.*

- <sup>140</sup> Johannes ke va shii, uwete; omaludi aeshe, omalaka, noshiwana.

*...Ndele okwa tya kwaame, Ava— ye okwa tya kwaame, Ava ovava va dile momahepeko manene, (eendjovo dimwe, Omaudjuu manene), ndele va kosha oikutu yavo, ...ve i ninga itoka mohonde yOdjona.*

*Onghee hano ove li komesho yolukalwapangelo laKalunga, noku mu longela omutenya noufiku motembeli yaye: ndele vo...ou e li omutumba kolukalwapangelo ota kala mokati kavo.*

*Vo itava fi vali ondjala, ile va fye va li enota; netango itali va xwike vali—ouyelele wetango, pehe noupyu washa.*

*Osheshi Odjona ei i li mokati kolukalwapangelo otai va palula, ndele tai va twala keefifiya domeva e nomwenyo: ndele Kalunga ta feta po...omahodi aeshe momesho avo.*

- <sup>141</sup> Paife otwa patulula o...twa ya kOshipatifo.

Owa didilika tuu, ova li...Tete, otwa tameka paife, Israel.

- <sup>142</sup> Opo nee otu wete ongeleka ya kufilwa po, ha Omufuko; ongeleka ya diminwa po, mOmahepeko, uwete, uwete, okuuuya

apa, omuvalu munene womitima delitula mo kutya owa dja mo—mOmahepeko manene. Ha Ongeleka; Oya ya, Omufuko. Ope na ongeleka.

<sup>143</sup> Paife otwa mona mo, konima yokafimbo, Jesus okwa ti kutya Olukalwapangelo otali kala omutumba, nonhumbi...tava fikama mepangulo, keshe umwe.

<sup>144</sup> Paife, otwa mona paife kutya ovanhu ava ova patwa nOshipatifo shaKalunga omunamwenyo (oshi li mondjila?), Ovajuda ava. Oshipatifo shaKalunga omunamwenyo oshike?

<sup>145</sup> Paife, itandi ifana sha, ndi udifo nai lomaliudo asha. Ohandi ti ashike, uwete. Ou shi shii tuu, kutya, oku lescha konima yovalongelwe vahapu ovo va shanga mwaashi, tava ti kutya ongudu ei apa, ya koshwa nohonde, Omufuko shili?

<sup>146</sup> Ou shi shii tuu kutya ovalongelwe vahapu yo otava ti kutya omayovi efele nomilonganhe nanhe oo Omufuko? Oshike o... Ope na sha tashi wana apa, shapuka...omu ngaha, shaashi ope na sha shapuka paife.

<sup>147</sup> Didili ka, ovamwatate Ovaadventiste vatu otava ti, kutya, "Oshipatifo shaKalunga, oku diinina efiku leshabata." Ou shi shii. Ashike onda hala okangwanyu kOmushangwa wonhumba musho, oku ulika kutya eshabata, ile okudiinina efiku leshabata, Oshipatifo shaKalunga. Uwete? Oumwe ashike a faneka ediladilo olo.

<sup>148</sup> Ashike nge oto lescha Ovaefeso 4:30, otava ti, "Inamu nyikifa oluhodi Omhepo Iyapuki yaKalunga, osheshi oye e mu tulwa oshilimbo nafiyo efiku le...lekulilo leni," eheno, omufimanekwa, ngeenge oilonga youpokati ya longwa, ndele owe uya; Kristus okwe uya oku kulila Vaye Mwene. Owa patwa; ha nafiyo epapuduko la shikula ko. Ngeenge wa patwa nOmhepo Iyapuki, oshilonga osha pwa, kutya Kalunga okwe ku tambula, kape na vali okudja mo muyo.

<sup>149</sup> Oto ti, "Iya, ondi I na, nondia ya." Ahawe, ku—ku I na.

<sup>150</sup> Kalunga okwa ti Otai i mEfiku lEkulilo. Paife, uh-huh, oto tanguna ashike naYe, ndele to mono eshi tashi ti. "Fiyo Efiku lEkulilo leni."

<sup>151</sup> Didili ka. Ngaashi pa li... Ngaashi va li oshixupe pahoololo, Ovajuda ava paife oshixupe pahoololo. Mefimbo loshilonga shotete shaElia kOvajuda, omo ovaitaveli omayovi ahewali va diininya keke laKalunga, paife ope noshixupe eshi, tashi uya pefimbo lavo, oku kala omayovi efele limwe nomilonganhe nanhe pahoololo. Kutya, Etumwalaka pefimbo opo, oku itavela Etumwalaka, oku kala omayovi efele nomilonganhe nanhe.

<sup>152</sup> Paife, oto ti, "Akutu, paife omunute ashike, mumwatate, Nghi shi shii kombinga yo 'oinima yopahoololo. Iya, inandi i lescha mo nale."

<sup>153</sup> Eewa, paife natu tale nge oshi li mondjila, ile ahawe. Natu shuneni kuMateus, noku ya apa noku mona nge itatu mono sha shinini mwaashi. Onda itavela paife kutya ondi li mondjila. Nghi shi na sha shangwa apa, ashike oshe uya ashike momadiladilo ange. Natu kufeni, pexulilo, ovelise oni30; opo twa ya onguloshi, exulilo lOshipatifo Oshithamano, movelese oni30. Paife natu shi lesheni tu tale paife apa hatu i, ovelise yo31. Uwete? “Otava mono Omona womunhu te uya moshinge.” Paife ovelise yo31.

*Ndele ye ota tumu ovaengeli vaye neshiko linene lenghuma, ndele tava ongele ko ovahoololwa vaye keembinga nhe, okominghulo deulu fiyo okudikwao.*

<sup>154</sup> O “ovahoololwa” otava di mo. Oshikwashike? Nefimbo lOmahepeko. Kalunga ota ifana ovahoololwa Vaye, ndele ovo Ovajuda pefimbo opo, ovahoololwa. Ombibeli otai shi popi. Paulus ote shi popi, “Pahoololo.” Otapa kala omayovi efele limwe nomilongonhe nanhe pahoololo, ava tava itavele Etumwalaka, okudja meemiliona dashili odo tadi kala ko.

<sup>155</sup> Opa li eemiliona moPalestine, pomafiku exunganeko laElia, nomayovi aheyali okwa xupifwa okudja meemiliona.

<sup>156</sup> Paife, “pahoololo.” Opo, eemiliona dOvajuda oda ongala medu lomeumbo. Osha ninga oshiwana. Otapa kala eemiliona, ashike omayovi efele limwe nomilongonhe nanhe “ovahoololwa” ava tava kufwa po. Otava udu Etumwalaka.

<sup>157</sup> Oshinima shelifa shi li mOngeleka yOvapaani. Ope na Omufuko, ndele Oye a hoololwa. “Ndele ota ifanwa pahoololo.” Didilika, ei otai faafaneke Ongeleka, nawanawa, ovaitaveli va hoololwa.

<sup>158</sup> Vakwao inava itavela. Oto dulu oku shi tonga. Oto lombwele omunhu Oshili, ndele nashi yelelwe kOndjovo, noku shilipalekwa; ta ti, “Inandi I itavela.” Oto dulu ashike . . .

<sup>159</sup> Ino danauka vali nasho. Jesus ina tya sha. Ta ti, “Osha fa ashike okalanda taka ekele oilanda.” UWete? Ta ti, “Va efa ashike. Otava aluka noku ku pa ombedi koshi yeemhadi davo. Otave ku ningi oindjola. Inda ashike kokule u va efe. ‘Nge omupofi ota kwata keti omupofi . . .’”

<sup>160</sup> Onda ya komulumenhu, ha nale unene, ile, e uya kwaame, shapo. Okwa kala ta patana, apeshe, keshepamwe, omhinge neveluko lOukwakalunga. Ndele okwe uya, ndele ta ti, “Inandi itavela eveluko loye lOukwakalunga.”

<sup>161</sup> Onda ti, “Lange, ondi wete, itali kala sha shiwa, shaashi nighi na sha.” Ndele okwa . . . Onda ti, “Ashike Kalunga okwa wana.”

Okwa ti, “Kaku na oshinima shatya ngaho.”

<sup>162</sup> Onda ti, “Owa shelelelwa unene oku shi tonga, kahewa. Heeno, owa—owe shi teelela olule. Pamwe owa twa eemhata, omido dishona da ya, ashike ope na efimbomudo likwao paife.

Ope na eemiliona oku hepaulula, uwete.” Onda ti, “Owa—owa shelelelwa paife, mukwetu, oku shi tonga.”

<sup>163</sup> Okwa ti, okwa ti, “Iya, inandi shi itavela; nighi na ko na sha naashi to ningi.”

Onda ti, “Hasho nande. Ito dulu.” Uwete?

<sup>164</sup> Okwa ti, “Denge nge noupofi!” Ta ti, “Nge ou na shili Omhepo Iyapuki, ngaashi Paulus,” ta ti, “denge nge noupofi.”

<sup>165</sup> Onda ti, “Ohandi shi ningi ngahelipi ngeenge oumupofi nale?” Onda ti, “Xo okwe ku pofipaleka kOshili.” Onda ti, “Ove, ove oumupofi nale.”

<sup>166</sup> Ndele okwa ti, “Itandi itavele; nighi na ko na sha naashi to dulu oku ninga, oubangui ufile peni to yelifa, ile shimwe shatya ngaho. Natango inandi shi itavela.”

<sup>167</sup> Onda ti, “Lelalela. Kasha li shovaheneitavelo. Osha li ashike shovaitaveli. Osho ngaho.” Uwete?

<sup>168</sup> Osha li shike? Uwete, ou shi shii hano, ehoololo ola dja ko. Ino danauka nalo, nande. Jesus okwa ninga oshinima shelifa, Ye okwa ti, “Va efeni. Nge omupofi ota kwata keti omupofifi, aveshe itava wile moshilambo?”

<sup>169</sup> Ashike eshi Ye e uya kokambwada, [Mumwatate Branham ta topifa omunwe waye—Sd.] osha denga omundilo! Osha li shike? Osha li ombuto ya hoololwa i li mo, uwete, oyo ye I mona paife ngaha. Eshi Ye uya kuPetrus, opa li ombuto ya hoololwa ya nangala, uwete, nove I mona. “Ndele aveshe ava Tate a yandja, eva pa” (epitafimbo) “eva pa Nge, otave uya. Otave uya kwaAme.” Akutu, kutu! Ondi shi hole! Eheno, omufimanekwa. Didilika, ovaitaveli ove I itavela.

<sup>170</sup> Ovaheneitavelo itave Shi itavele. Onghee, paife, nge umwe okwa hala oku tanguna kombinga yoludalo leyoka naikwao, ndele oto kendabala oku va ulikila, itave I pwilikine; inda ashike. Va efa ashike. Uwete, Kalunga ita patana, ile ovana Vaye.

<sup>171</sup> Didilika, vaKalunga efele limwe nomilongonhe nanhe Ovajuda va hoololwa inave linyongamena oshilyani, oukwaukwaongalo waye, ile omafan, ile sha, nande oshiwana shavo oshi li mehangano nasho pefimbo opo. Israel oku li mehangano, ashike apa omayovi efele nomilongonhe nanhe ava itave shi ningi. Ovo ovahoololwa.

<sup>172</sup> Oshinima shelifa shi li apa mOngeleka yOvapaani paife, ongudu ya hoololwa. Ito dulu oku i shila moinima yoludi olo. Itai shi itavele. Ahawe, omufimanekwa. Ngeenge Ouyelete we va denge, oshe shi mana hano. Ove wete o...ve wete sha ningwa, hano ve shi wete sha shilipalekwa noku yelifwa ngaho. Ndele ova tala apa mOmbibeli, va mona Ondjovo oyo tai i. Iya, oto—oto dulu yo oku efa oku danauka navo, molwaashi ove I itavela. Opupo. Opupo. Nande itava dulu oku I ndjadjudukununa, ashike ove shii kutya ove I na. Onghee, ngaashi nda ti, ope na oinima

ihapu itandi dulu oku ndjadjukununa, ashike ondi—ondi shii kutya oshili nande ongaho. Uh-huh. Eewa.

<sup>173</sup> Oshikando eshi osha li pokati kOshitihamano nOshipatifo Oshitiheyali, osho Ye a ifana ovanhu ava, sha popiwa kuJesus muMateus ekapiteli eti24 novelise oni31, oyo twa lesha, uwete. Omanghuma apa, eendombwedi mbali do... Eshi enghuma tali shikwa, olo enghuma leendombwedi mbali defimbomudo lefilonghenda 1Ovajuda. Enghuma limwe ola shikwa, owa didilika, enghuma limwe la shikwa. Ye okwa ti Ye ota shiki enghuma. Paife didilika apa, lo31.

*Ndele ta tumu ko ovaengeli vaye (ke fi umwe, uwete; ove li vaval) ve nomanghuma e neendaka dopombada,...*

<sup>174</sup> Oshikwa shike? Ngeenge Kalunga e lilongekida oku popya, ope na ondaka yenghuma. Alushe Ewi Laye. Eifano kolwoodi, uwete. Kalunga ta popi. Ovaengeli ava otava holoka neshiko lenghuma.

<sup>175</sup> Ndele owa didilika tuu, kEtumwalaka lomwengeli waxuuninwa, enghuma ola shikwa. Etumwalaka lomwengeli wotete, enghuma ola shikwa; omwengeli omutivali, enghuma ola shikwa, eshi Ye e li tuma. Didilika, ashike eshi Oipatifo ya shivifwa, aveshe ova li muimwe inene, oshinima shOukwakalunga, oku ifana mo ongudu yovanhu; opa li enghuma limwe la shikwa, nOipatifo Iheyali oya matulwa.

<sup>176</sup> Didilika, “Ongeleni Ovajuda Vaye va hoololwa okudja koitopolwa inhe yeulu.”

<sup>177</sup> Ye okwa tumbula Oipatifo ihamano, ngaashi twa mona, ashike ha Oshipatifo Oshitiheyali. Ina tonga sha omu kombinga yOshipatifo Oshitiheyali, kashi mo.

<sup>178</sup> Uwete, diva diva, ovelise oni32, oya pungulukila komafaneko, kefimbo loku ifana Ovajuda ovahoololwa. Paife tala apa, uwete.

<sup>179</sup> “Ndele Ye ota tumu ovaengeli nenghuma, nokwoongela Ovahoololwa okudja keekolonela nhe deulu.” Paife Ye okwa tameka...

<sup>180</sup> Uwete, Ye ina tonga sha kombinga yOshipatifo Oshitiheyali apa. Uwete? Ye okwa popya Oshipatifo Oshitihamano; Shotete, Oshitivali, Oshittatu, Oshitinhe, Oshittano, nOshitihamano.

<sup>181</sup> Ashike didilika:

*Paife lilongeni efaneko komukwiyu; Ngeenge oitayi yao tai tende, omafo taa hape, opo nee omu shi shii kutya okwenye oku li popepi:*

*Hano osho nanye yo, ngeenge tamu mono aishe ei, kaleni mu shi shii kutya oku li popepi, poshivel.*

<sup>182</sup> Olo laxuuninwa, epulo olo ve Mu pula, “Nedidiliko lexulilo lounyuni olilipipo?”

<sup>183</sup> “Ngeenge tamu mono Ovajuda ava . . . Ngeenge tamu mono oinima ikwao tai ningwa, omu shii eshi tashi ningwa. Paife, ngeenge tamu mono Ovajuda ava . . .” Ta lombwele Ovajuda! Paife tala. Ehangano lilipipo Ye ta lombwele, Ovapaani? Ovajuda! Ovajuda! Uwete?

<sup>184</sup> Paife Ye okwa ti, “Otamu tondika koiwana aishe molwa Edina Lange,” nosho tuu, ngaho.

<sup>185</sup> Paife, “Ngeenge,” Okwa ti, “otamu mono Ovajuda ava tava hovele oku tula ko eembeyo davo kwinya,” ngeenge Israel ta hovele oku shuna, ta i moshilongo shaye. Ngeenge a i mo, (Ongeleka oye lilongekidila Evakulo), ope na ashike omido nhatu netata da fyaala ko nafiyo exulilo lounyuni wonale, ndele tau i moixuna, opo Omilenium tai uya, ne—nedu lipe. Ta ti, “Nokuli poshivel!” Paife, omido eyovi limwe kedu efiku limwe alike kuKalunga. Nomido nhatu netata, otashi i koshike? Okeesekonde dihapu, mefimbo laKalunga. Olo etomhelo Ye a ti, “Oposhivel.”

*Oshili Handi mu lombwele*, kutya, *epupi Eli itali xulu po*, tali xulifwa po, ovanhu ava, fiyo *aishe ei . . .*

<sup>186</sup> Oshike, oshike itashi xulifwa po? Ova kendabala oku dipaa po Ovajuda, kedu, keshe efimbo. Itava dulu oku shi ninga.

<sup>187</sup> Ashike didilika. Epupi tuu lOvajuda olo la mona ealuko, la shuna moPalestine, epupi olo otali mono oinima ei tai ningwa. Nomido mbali daxuuninwa, okwa li a ninga oshiwana, noimaliwa yaye mwene nakeshe tuu. Oye ngaho.

<sup>188</sup> Paife otu li peni, kaume? Oipatifo nakesheshimwe sha matulwa; paife ohatu shi hange pokati apa. Osho ngaho. Uwete apa tu li?

<sup>189</sup> Onde lineekela omwe I kwata. Nghi na elongo. Ondi shii eshi handi popi, ashike pamwe itandi dulu oku ndjadjukununa—oku I ndjadjukununa, oku shi ku yelifila. Ashike onde lineekela kutya Kalunga ota kufa Eendjovo odo da lumbakana, noku di tukaula nawa, uwete, noku ku shiivilila eshi I li. Molwaashi, ngaha, otu li poshivel. Otu li apa pefimbo. Paife didilika.

<sup>190</sup> Uwete, paife ngaha, Ye okwa pungulukila kOvajuda ava, noke—kexulilo lefimbo. Ye okwa tonga eshi tashi ka ningwa po. Otu shi shii paife . . . Otu shi shii, otu shi shii nawa, kutya omapata okwa halakanifwa. Ova kala, omido omafele omilongombali nanhano. Ova xunganekwa tave lihanifilwa keembinga nhe. Ou shi shii tuu? Otu shi shii.

<sup>191</sup> Shaashi, katu noku shuna noku kufa, tu shi kufe, molwaashi ondi na shimwe apa sha fimana unene nda hala u shi mone, manga ino loloka unene, nohandi loloka.

<sup>192</sup> Didilika. Otu shi shii, epata keshe, eshikulafano lepata, ile keshe osho wa hala oku shi ifana, ile omusholondodo, ile oukalelo wepata, kae li va li kumwe. Okwe lihanifilwa, apeshe.

<sup>193</sup> Ovajuda, ova ongala muJerusalem, kashi fi... Kave shii omapata avo. Kave na vali omapandela epata ile sha. Eshi ve shii, hano, okutya vo Ovajuda. Ova xunganekwa osho tava kala, ounyuni aushe. Paife, omambo avo okwa hanaunwa po. Kave shi shii.

Oto ti, “Epata lilipipo wa dja?”

“Nghi shi shii.”

“Epata lilipi?”

“Nghi shi shii.”

<sup>194</sup> Umwe okwa dja muBenjamin, umwe okwa dja *mwaali*, namukwao okwa dja *mwaalinya*. Kave shii mwaali va dja. Omambo avo okwa hanaunwa po, koita, momido omafele omilongombali nanhano. Oshinima ashike ve shii, okutya vo Ovajuda. Opupo. Hano, ove shii kutya ova shuna meduumbo lavo. Natango ova... Didilika, nande kave shii omapata avo, ashike Kalunga oku shi shii.

<sup>195</sup> Ondi shi hole! Ou weteko, Ye okwa ti ope na... “Keshe eexwiki komutwe woye oda valulwa.” Hum! Didilika, Ye ita kanifa sha. “Ohandi i nyumuna mefiku laxuuninwa.”

<sup>196</sup> Nande va kanifa o—o—omapandela epata lavo, nokutya *ou* olyelye, *naava* ove li peni ile *venya*; kave shii nge ova dja muBenjamin, ile ngee ova dja muRuben, ile—ile Isaskar, ile omu va dja. Ashike, nande ongaho, Kalunga okwe va ifana apa.

<sup>197</sup> Paife didilika, mEhololo 7, ohatu leshe ngaha. “Omayovi omulongonaavalí” omepata keshe, ovahoololwa, va dja mwaaeshe. Ope na omayovi omulongonaavalí a dja mepata keshe, a hoololwa, nova tulwa apa melandulafano. Akutu, kutu! Ovo oolyelye? Ove li melandulafano lepata. Natango, kave li paife, ashike osho tava ka kala. Ove li melandulafano lepata. Otashi ka kala ngahelipi melandulafano lepata? Kave fi Ovajuda voshito, ahawe. Ashike ovo ava va hoololwa, omayovi efele nomilongone nane, otava tulwa melandulafano lepata. Akutu, kutu!

<sup>198</sup> Nhumbi nda hala oku mu ulikila! Itatu i mo musho. Ashike osho naana Ongeleka i noku kala, uh-huh, melandulafano nawa.

<sup>199</sup> Paife onda hala u tale nawa lela u leshe pamwe naame, okafimbo. Paife apa oshimwe osho pamwe ino didilika me—meifano lepata. Onde mu lombwela, okafimbo ka pita, mu leshe Ehololo 7. Lesheni pamwe naame, noku tala omapata aa. MEhololo 7, Dan naEfraim kave po inava valulilwa pamwe navo. Owe shi didilika tuu? Josef naLevi ova pingena po onhele yavo. Owe shi didilika tuu? Dan naEfraim kave po. Ahawé,

omufimanekwa. Ashike, Josef naLevi ova pingenapo onhele ya—ya—yaDan naEfraim.

<sup>200</sup> Omolwashike? Vo... Kalunga ta dimbuluka eudaneko keshe lOndjovo Yaye. Akutu, onda hala oku shi udifa. Uwete? Kalunga iha dimbwa sha, nande otashi monika sha fa.

<sup>201</sup> Ngaashi Ye a lombwela Moses. Israel oko a kala, “omido omafele anhe.” Ashike ove noku ya pefimbo olo. Ye okwa lombwela Abraham, “Noludalo laye otali ka kala medu lovanailongo omido omafele anhe, hano Ye ote va pitifa mo neke leenghono.” Ashike hano Ye okwa lombwela Moses, “Onda dimbuluka eudaneko Lange, Onda kuluka ndi wanife eshi Nda tonga.”

<sup>202</sup> Kalunga iha dimbwa. Ye iha dimbwa omatulomutima Aye, ile Ye a dimbwe omayambeko Aye. Ashike, keshe eudaneko olo Ye a ninga, Ye ohe li diinine.

<sup>203</sup> Apa omolwashi vehe po, paife, nge oto tale. Paife lescha. Onda hala u leshe pamwe naame paife. Inda muDeuteronomion, omilongombali-... povelise oni<sup>29</sup> penya, ile ekapiteli eti<sup>29</sup>, shapo. Ope netomhelo lomapata aa ehe po. Kesheshimwe oshi netomhelo lasho. Deuteronomion, otwa hala oku kufa e—ekapiteli eti<sup>29</sup> laDeuteronomion. Paife, Omwene ne tu kwafe, opo tu udeko paife. Paife otwa hala oku tameka muDeuteronomion, ekapiteli eti<sup>29</sup>, povelise oni<sup>16</sup>. Paife pwilikina. Moses ta popi.

*(Osheshi onye vene mu shii nhumbi twa li medu laEgipiti; nhumbi twa tauluka moilongo yoiwana omo twa pita;*

*Ndele nye mwa mona oixuna, noikalunga yavo, yoiti...emanya, oshisiliveli...oshingoldo, vo va li mokati kavo:)*

<sup>204</sup> Kesheumwe okwa humbata okanima ile kakwao, efano lOmuyapuki Cecilia. Ou weteko, shimwe shatya ngaho, uwete. “Opo nee...” Pwilikina.

*Opo mokati keni muha kale omulumenhu,... omukainhu, ile oludi, ile epata, omutima walo tau liteeka nena eli kOMWENE Kalunga ketu, a ka ye okulongela ookalunga voiwana; opo mokati keni mu ha mene nande omudi muo ta mu di oudiyo noshixwa shedimba;*

*Ndele opa ningwa, ngeenge ta udu eendjovo defingo eli, opo e—e li tangele momutima waye, nokutya, ondi...nombili, nande ondi ende moukukutu womutima wange mwene,...*

<sup>205</sup> Uwete, ovanhu ohava ti, “Akutu, te li yambeke yemwene.” Ou weteko, oku ninga okamushiyakano ile shimwe, ngaashi hava

ningi paife, ou wete; oshinima shelifa, uwete. Ndele ou wete elongifo loshipaani, uwete, ola fa lovapaani.

. . . ye ote li yambeka *yemwene momutima* waye mwene, . . . e *likukutiko* laye mwene momadiladilo aye mwene, *ta wedele ko oukolwe kenota*:

<sup>206</sup> “Nwa ashike, itashi ningi eyooloko lasha; shama ashike to i kongeleka, ou li nawa.”

Hano *OMWENE ita hale oku mu dimina po, ndele nee ehandu lOMWENE . . . netulomutima laye otali xwamene omunhu oo, nomatulomutima aeshe oo a shangwa membo omu* (“Ino kufa mo Ondjovo imwe muYo, ile u wede mo imwe kuYo,” uwete.) *otae uya kombada yaye, nOMWENE ta ka dima po edina laye . . . ta dimi po edina laye koshi yeulu*.

<sup>207</sup> Efimbo ye e li oku kedu, uwete, “koshi yeulu.”

*Opo nee OMWENE ote ke mu tongola mo momapata aeshe aIsrael noku mu pongeka pamatulomutima, pamatulomutima aeshe aa a shangwa membo eli lomhangano:*

<sup>208</sup> Onghee hano, “Nge ope na ou ta longele oshikalunga, ile ta humbata oshikalunga kuye, ile teli yambeke yemwene momadiladilo aye mwene, noku longela oikalunga,” Kalunga okwa ti, “omulumentu, omukainhu, oludi, ile epata, edina laye otali dimwa po filu, mokati kovanhu.” Paife, oshi li mondjila? Oshili ngahelipi!

<sup>209</sup> Oikalunga oya ninga oshinima shelifa mongeleka, omido dapita, noku ningwa fiyo onena. Ndele onda didilika . . . Tala nhumbi antikristus a kendabala oku ninga elinyengo lounamhinge. Vangapi ve shii kutya omunawii ota faafaneke noku lifefa o—ovayapuki vaKalunga?

<sup>210</sup> O—oulunde oshike? Oshinima shi li mondjila sha lundululwa. Oipupulu oshike? Oyo oshili ya pilikwa. Oluhuelo oshike? Oshilonga shi li mondjila, oshilonga shopaveta, sha ninga epuko. UWete?

<sup>211</sup> Paife, moku kendabala oku ninga ngaha, “oku dima mo edina,” owa didilika tuu mefimbomudo longeleka, oshilyani shelifa tashi longele oihongwafano yovanhu va fya, nosho tuu, ta kendabala oku dima po Edina lOmwene Jesus Kristus, noku yandja oiifanifwa ngaashi Xe, Omona, nOmhepo Iyapuki. Oshinima shelifa, netulomutima olo lashiku la ko, ngaho.

<sup>212</sup> Dan naEfraim ove shi ninga, koshi yomunaihelele ohamba muIsrael, omunekonda, Jerobeam. Paife, didilika, mEehamba Dotete ekapiteli eti12. Ondi shi shii kutya otu li . . . Eli, kwaame, o—o—ola yala ekanghameno laashi hatu dulu okulikolelela, eshi tu wete. Eehamba Dotete, onda hala oku ya kekapiteli eti12, oni25 fiyo ovelise oni30.

*Ndele Jerobeam... Sekem keemhunda daEfraim, nokwa kala ko; nokwa djako... ndele ta tungu penuel.*

*Ndele paife Jerobeam okwa ti ku... mo—momwenyo waye, (uwete, omadiladilo omomutima waye), Paife ouhamba tau shuna keumbo laDavid:*

<sup>213</sup> Okwa li ta mbadapala, ou wete, shaashi ovanhu otava di mo.

*Nge ovanhu ava ova i ko... va ka yambe eyambo meumbo lOMWENE kuJerusalem, opo nee omitima dovanhu ava tadi shuna komwene, kuRehabeam ohamba yaJuda, ndele vo otava ka dipaa nge, ndele tava i... kuRehabeam—Rehabeam ohamba yaJuda.*

*Onghee hano ohamba eshi ya diladila oshinima eshi, ya ninga eenhana mbali doshingoldo, ndele ta ti kuvo, Efimbo lile nokuli mwa ile kuJerusalem: taleni oikalunga yeni, Akutu Israel, ye mu pitifa mo... medu laEgipiti.*

*Ndele okwa dika imwe muBetel, naikwao e i dika muDan.*

*Noshinima tuu eshi sha li etimba: ovanhu vashikula efano limwe, nalikwao fiyo okuDan.*

<sup>214</sup> Uwete, Efraim kuBetel, naDan, nova dika po oikalunga. Naava ova ya ko ve ke shi linyongamene.

<sup>215</sup> Ndele ofye ava, twa yukilila mefimbomudo lOmeniuma, konyala, naKalunga natango ota dimbuluka etimba olo. Inava valulilwa mo nokuli. Hei! Efimano! Ngaashi Ye ta dimbuluka keshe eudaneko liwa, Ye ota dimbuluka keshe limwe lii, yo. Shi dimbuluka, ngeenge...

<sup>216</sup> Olo etomhelo nda itavela, ookaume, alushe onda kendabala oku kala mOndjovo, kutya nee oshikumwifa ngahelipi.

<sup>217</sup> Uwete, paife, itave shi lipula nale. Itave shi lipula paife. Ove lipula, “Iya, otava twikile nasho.” Eewa.

<sup>218</sup> Ashike ovava apa mefimbomudo lOmeniuma eli tali uya mo, eshi omadina avo nomapata a “dimwa mo” muo, molwaashi ova longela oikalunga, oyo Kalunga a tula omutima.

<sup>219</sup> Hano Ye ina tya Ye “oku tonde” Ovanikolaiti naIsabel? Kala kokule nasho. Hano Ye ina tya Ye ota dipaa ovanakadona vaIsabel nedipao le “efyo,” olo li li etopoko laAlushe mOukalipo Waye? Inamu lineekela musho, nande. Indeni kokule nasho. Hano, Kalunga ota dimbuluka. Konena.

<sup>220</sup> Ashike owa didilika tuu apa, oli noku “dimwa po”? Omolwashike? Koshi yEulu kaku na Eyambo li li po tali dulu oku mu pa Omhepo Iyapuki, opo a mone oinima ei. Ashike okwe shi ninga, nande ongaho, momadiladilo aye mwene okuliholemwene.

<sup>221</sup> Ashike, Hesekiel, memoniko laye, mOmileniuma, oku va wete natango melandulafano la yukilila. Hesekiel, nge owa hala oku shi lescha. Shi shanga ashike, oto dulu oku shi lescha, oku xupifa efimbo. Hesekiel 48:1 fiyo 7, osho yo lescha 23 fiyo 29. Hesekiel okwa mona epata keshe naana melandulafano. Eewa.

<sup>222</sup> Ndele, yo, mEhololo 14, Johannes okwe va mona natango melandulafano lepata, oshi li mondjila, epata keshe konhele yalo. Oshike sha ningwa po?

<sup>223</sup> Oto dimbuluka, Ye okwa ti, "Koshi yeulu, kutya edina laye otali dimwa mo moipambélé yepata." Shama ashike e li koshi yeulu, itapa kala vali. Ndele omayovi efele aa nomilongone nane oku li apa moshitopolwa shepata, natango. Omondjila. Ashike, ou wete, ova pofipalekwa. Ove na ashike omayambo eemhedi noikombo. Uwete? Paife didilika, Ye okwe va dima po, "koshi yeulu."

<sup>224</sup> Ashike Ovapaani, mefimbo lOmhepo Iyapuki, omhinge naSho; edina loye otali kufwa mo filu mEmbo lOmwenyo, "ito dulu oku diminwa po, mounyuni ou ile ounyuni tau uya." Oshi li mondjila? Hano opo twa fikama.

<sup>225</sup> Israel, koshi yoikombo, eedi, ove—ove na mo onhele. Shama ashike ve li kedu oku, omapata avo kae po. Itava kwatelwa mo. Paife, aveshe... Eshi Ye e va ifana, kwinya, omayovi efele nomilongone nane, kave po. Oshi li mondjila. Inava valulilwa mo nokuli. Ndele Josef naLevi ova tulwa ponhele yaDan naEfraim. Paife oto dulu oku shi tala. Osho ngaho, komesho yoye, uwete. Naapa eudaneko laKalunga, konima kwinya, omido omafele nomafele konima yasho.

<sup>226</sup> Paife, oshike sha ningwa po? Ova tongolwa mo mefimbo lOmahepeko madjuu.

<sup>227</sup> Paife, nge Kalunga ota ka tongola mo o—okakadona oko, oko ka li omukainhu muwa, ashike okwa dopa oku mona omahooli molamba yaye, ndele Ye ote ke mu tongolela momahepeko mwinya. Ye okwa tula mo omapata oo, molwa oshinima shelfifa, noku atongola mefimbo lefimbo lOmahepeko. Molwaashi, e—etongolo. Epangulo. Ashike, ou wete, vo, konima... Ndele, tala apa, ope uya omayovi efele nomilongonhe nanhe, konima yoku tongola Israel. Ndele ope uya yo oukadona va kofa, ve uya, va tongolwa, va djala oikutu itoka. Uwete? Osha yukilila ngahelipi! Oshiwa ngahelipi!

<sup>228</sup> Ongaashi ashike Jakob, mefimbo loudjuu, uwete. Vo... Jakob, mefimbo loudjuu. Okwa ninga epuko. Ashike okwa pitila mefimbo lokutongolwa shaashi okwa nyona komumwaxe, Esau. Uwete? Okwe mu kengelela, a kufe po oushiveli waye. Ashike okwa pitila metongolo manga ina mona edina laye la lundululwa okudja kuJakob a ninge Israel, osho shi li olupe longhedi yaKalunga, olupe nena.

<sup>229</sup> Paife, ohatu pandjula paife povelise oni8, ile ovelise yo1, ndi tye, yekapiteli eti8; lEhololo 8:1.

<sup>230</sup> Ondi shi shii kutya owa loloka. Ashike, paife, kendabala ashike oku pwilikina ashike ominute dishona paife. Ndele, Kalunga mEulu ne tu kwafe, olo eilikano lange.

<sup>231</sup> Otu noku dimbuluka kutya Oshipatifo Oshitiheyali eshi exulilo lefimbo, loinima aishe. Oshi li mondjila. Oinima ya shangwa mEmbo lOshipatifo Oshitiheyali, ya patwa, omhangela yekulilo okudja kediko lounyuni, keshe kamwe ota ka xulu. Exulilo; exulilo lounyuni u li mekondjo. Exulilo lekondjo loushitwe. Exulilo lakesheshimwe. Kwinya, exulilo lOmanghuma. Exulilo lOiyaxahandu. Exulilo ledu. Olo... Olo exulilo lefimbo.

<sup>232</sup> Efimbo ola pwa ko. Ombibeli osho ya ti. Mateus, ekapiteli eti7...ndi tye, Ehololo, ekapiteli eti7-...ekapiteli eti10 no...no1 fiyo okovelise oni7. Efimbo ola pwa po. Omwengeli okwa ti, "Kape na vali efimbo," ngeenge osho, mefimbo loshinima eshi shinene tashi ningwa.

<sup>233</sup> Kesheshimwe otashi xulu, mefimbo eli, exulilo lo-lo... pexulilo lOshipatifo eshi Oshitiheyali. Didilika. Exulilo lefimbomudo longeleka. Olo e—exulilo lOshipatifo Oshitiheyali. Exulilo lOmanghuma. Exulilo lOiyaxahandu, nokuli exulilo loku yakula mOmileniuma. Oshi li mOshipatifo Oshitiheyali.

<sup>234</sup> Osha fa ashike oku umba oshikuti mombada. Ndele oshikuti osho tashi topa *apa*, noku ya mombada opo nee tashi topa natango. Tashi ningi mo eenyofi nhano. Imwe yomeenyofi odo tai topa noku ndwafuka eenyofi nhano muyo; opo nee eenyofi odo tadi topa noku ndwafuka eenyofi nhano mudo. Uwete, tadi dimi po.

<sup>235</sup> Osho, oshike, Oshipatifo Oshitiheyali. Otashi xulifa efimbo lounyuni. Otashi xulifa efimbo laeshi. Otali xulifa efimbo laasho. Otali xulifa efimbo laeshi. Otali xulifa efimbo. Kesheshimwe osha xulila mOshipatifo eshi Oshitiheyali.

<sup>236</sup> Paife, Ye ote ke shi ninga ngahelipi? Osho nee tu he shii. Hasho? Katu shi shii.

<sup>237</sup> Efimbo nokuli loinima aishe ei, neyakulo mOmileniuma.

<sup>238</sup> Didilika, ematulo lOshipatifo eshi ola li linene, kutya, Eulu ola mwenekwa kuSho, "melimweneneno, mefimbo letata lotundi." Paife, Osho oshinene! Oi Shike? Oya mwenekwa, Eulu. Kapa li shimwe tashi linyenge, etata lotundi.

<sup>239</sup> Paife, etata lotundi otali dulu oku kala lihe fi olule nge ou na efimbo liwa. Ashike, melimbililo pokati kefy o Omwenyo, osha fa Omileniuma. Osha li shinene unene!

Jesus ine Shi tumbula. Kape na umwe womuvo.

<sup>240</sup> Johannes ina dula nokuli oku Shi shanga. Ahawe, okwa keeelwa oku shanga *apa*. Uwete, ope na ashike o...ashike... Ye ine Shi shanga, ashike eli elimweneneno.

<sup>241</sup> Novakulunhu venya omilongombali navane ovo va fikama koshipala shaKalunga, Kwinya, tava shiki ouxumbafeta vavo; ova efa po oku shika ouhumbafeta vavo.

Ovaengeli ova mweneka okwiimba kwavo, mEulu.

<sup>242</sup> Lipula! Ovakerubi ovayapuki nOvaserafi, ava Jesaja e Va mona motembeli, omapando ahamano...ile omapando atatu. Atatu...Avali koshipala shaye, naavali keemhadi daye, ta tuka. Ndele ye omutenya noufiku, kwinya, koshipala shaKalunga, ta imbi, "Omuyapuki, omuyapuki, omuyapuki, Omwene Kalunga Omunaenghono adishe!" Nokuli eshi va ya mo, ile tava i motembeli, eengudi dotembeli ode linyenga, mo—moukalipo wavo.

<sup>243</sup> Ndele Ovaserafi ava vayapuki ova mwena. Ovaengeli ova efa okwiimba. Uh-huh. Whew! Tava tuka mOukalipo waKalunga, tava imbi, "Omuyapuki, omuyapuki, omuyapuki," Ova mwena. Kape na Ovaengeli tava imbi. Kape na omahambelelo. Ka—kape na elongelokalunga koaltari. Ahawe, nande sha. Opa li elimweneneno; pa mwena, elimweneno filu mEulu, etata lotundi.

<sup>244</sup> Etanga alishe lokEulu ola li la mwena etata lotundi ei, eshi oshiholekwa shOshipatifo Oshitiheyali eshi mEmbo lEKulilo sha matulwa. Shi diladila. Ashike, Osha matulwa. Odjona oye Shi matula. Ou shii kutya oshike? Ova kumwa kuSho, ndi wete. Kave shi shii; osho Sha li! Ova kanghama.

<sup>245</sup> Omolwashike? Oi Shike? Paife, kape na umwe womufye e shi shii. Ashike, o—ohandi ku lombwele, e—ehololo lange laSho.

<sup>246</sup> Ndele, paife, inandi kala omusheki. Nge osho ndi li, ame nghi shi shii, uwete. Ame...Inandi ya monghalo yomalimbililo nomalipulo oinima.

<sup>247</sup> Onda tonga oinima imwe, pamwe ikumwifa kovanhu vamwe. Ashike eshi Kalunga e uya, konima yaYo, noku I shilipaleka nokutya Oyo Oshili, hano oyo Ondjovo yaKalunga. Uwete? Otashi monika shikumwifa, omukalo oo. UWete?

<sup>248</sup> Ndele paife, eshi ndi shii ngaashi nda fikama komesho konguloshi, ondi na ehololo olo la hololwa. Oshi li moikando itatu. Oyo Handi mu lombwele, kekwafo laKalunga, lefutununo laSho. Ndele hano ove...Natu ye kusho, tete. Ehololo oleli, oku hovela eshi nda hala oku ku lombwela, eshi I li. Oshike sha ningwa po, oshehi kutya...Omangungumo Aheyali oo a uda a ngunguma, ndele ta keeelwa a shange; oshiholekwa osho shi li, shi li konima yaai Theyali yashikulafana nOmanghuma taa ngunguma.

<sup>249</sup> Paife, omolwashike? Natu shi yelife. Omolwashike? Oshiholekwa osho pehe na ou e shi shii. Johannes okwa li a keevelwa oku Shi shanga, nokuli—nokuli okushanga edidilikoo kombainga yaSho. Omolwashike? Eli olo etomhelo nee pehe nelinyengo me—elinyengo mEulu: otali kala li yandje po oshiholekwa. Ou shi wete paife? [Eongalo tali ti, “Amen.”—Sd.]

<sup>250</sup> Nge Olinene unene, Oli noku kwatelwa mo, molwaashi Oli noku ningwa. Ashike eshi Omangungumo Aheyali...

<sup>251</sup> Paife didilika. Eshi Ovaengeli vaheyali ve uya oku shika Omanghuma avo, opa li enghuma limwe. [Mumwatate Branham ta konghola koshiudifilo lumwe—Sd.] Eshi Israel a ongelwa, opa li enghuma. “Eshi pehe na vali efimbo,” enghuma laxuuninwa, enghuma limwe.

<sup>252</sup> Ashike apa Omanghuma Aheyali a landulafana, momukweyo nawa: imwe, mbali, nhatu, nhe, nhano, hamano, heyali, oyo onomola ya yuka. Omanghuma Aheyali momukweyo, a popya, ha...oku ninga ashike—ashike imwe, mbali, nhatu, nhe, nhano, hamano, heyali, a landulafana. [Mumwatate Branham ta konghola koshiudifilo oikando iheyali—Sd.] Hano, Eulu inali Shi shanga. Eulu kali Shi shii, ha shimwe shilili, molwaashi kape na shimwe oku twikila. Ola li efimbo lefudepo. Ola li linene unene, fiyo, Sha holekwa Ovaengeli.

<sup>253</sup> Paife, omolwashike? Nge Satana okwe Shi mono, ota dulu oku ninga ehanauno linene. Ope na oshinima shimwe ehe shii. Paife, ota dulu oku fatulula kesheshimwe a hala, noku hopaenena oludi keshe loshalinghenda, (onde lineekela otamu lilongo), ashike Eshi ke shi shii. Inashi shangwa nokuli mOndjovo. Oshiholekwa filu.

<sup>254</sup> Ovaengeli, kesheshimwe, osha mwena. Nge ova ningi elinyengo limwe, otashi dulu oku yandja po shimwe, hano ovamwena filu, va efa oku shika ouxumbafeta. Kesheshimwe osha kanghama.

<sup>255</sup> Heyali, onomola yaKalunga yukilila. Heyali, [Mumwatate Branham ta konghola koshiudifilo oikando iheyali—Sd.] momukweyo sha yukilila. Omanghuma Aheyali okwa popya a yukilila kumwe, ngaashi a fa taa shange sha. Didilika, pefimbo opo, Johannes okwa tameka oku Shi shanga. Okwa ti, “Ino Shi shanga.”

<sup>256</sup> Jesus ine Shi popya. Johannes ine Shi shanga. Ovaengeli kave shii sha kombainga yaSho. Oshikwashike? Oshinima osho, Jesus a tonga, “NOvaengeli vomEulu kave shi shii” kombainga yaSho. Uwete? Uwete? Ke Shi shii, Yemwene. Ta ti, “Kalunga Aeke” te Shi shiiva.

<sup>257</sup> Ashike Ye okwe tu lombwela, ngeenge hatu “hovele oku mona omadidiliko aa taa holoka.” Paife ou na apa wa finda? [Eongalo tali ti, “Amen.”—Sd.] Eewa. Didilika, fye “twa hovela oku mona omadidiliko aa tae uya.” UWete?

Nge Satana okwe Shi kwata . . .

<sup>258</sup> Nge owa hala shimwe shi ningwe . . . Paife ou noku kufa ondjovo yange molwasho. Nge onda pangela oku ninga sha, ondi shii xwepo ponhele yoku lombwela umwe kombinga yasho. Ha kutya omunhu oo ote shi tongo, ashike Satana ote shi udu. Uwete? Ite shi mono, momutima wange mwinya, shama ashike Kalunga e shi pata nOmhepo Iyapuki, onghee oshi li pokati kange naKalunga. Uwete? Ke shii sha kombinga yasho nafiyto shi popi, hano ote shi udu. Ndele onda kendabala . . . Ohandi lombwela ovanhu kutya ohandi ningi oshinima *shonhumba-shonhumba*, ndele tala omunawii ta tete ko keshe okuulu ta dulu, oku ya ko, uwete, oku denga nge mo. Ashike nge onda mono ehololo la dja kuKalunga, ndele itandi shi popi, hano osha yooloka.

<sup>259</sup> Dimbuluka, Satana ota kendabala oku hopaenena. Ota kendabala oku hopaenena kesheshimwe osho Ongeleka tai ningi. Ota kendabala oku shi ninga. Otwe shi didilika, okupitila mu antikristus.

<sup>260</sup> Ashike eshi oshinima shimwe ita dulu okuhopaenena. Itapa kala ehopaeneno kwaashi, uwete, molwaashi ke Shi shii. Kape nomukalo washa e Shi shiive. Olo Eshilo Lititatu. Ke shii sha kombinga yaSho. Uwete? Ke Shi udite ko.

<sup>261</sup> Ashike ope noshiholekwa shi li koshi yaSho! Efimano kuKalunga mOkombadambada! Itandi lipula vali shelifa, onghalamwenyo yange aishe, eshi nde Shi mona. Paife, nighi shii kutya oshike . . . Ondi shii onghatu ya shikula ko, ashike nighi shii kutya oshike, nhumbi ndi noku shi fatulula. Itashi kwata olule. Onde shi shanga apa, eshi sha ningwa, nge ou wete apa, "Kanghama. Ino twikila kwaashi apa ngaha." Inandi kala ndi hole omusheki. Ohandi popi ashike Oshili.

<sup>262</sup> Ashike oto dimbuluka onghaku inini, oyo alushe handi kendabala oku ndjadju kununa nhumbi omwenyo wa tula po *ngadi-ya-ngadi*, nomaliudo omeni, noinima yomaludi aeshe aa? Oyo, osha ninga onduba yovahopaeneni ve shi shikula. Nhumbi ve noku kufa eke, noku kwata ovanhu, noku kakama? Kesheumwe oku na ekakamo momake avo.

<sup>263</sup> Ashike dimbuluka, eshi Ye a twala nge kwinya, ndele ta ti, "Eli olo Eshilo Lititatu, ndele kape na ou te Li shiiva." Oto shi dimbuluka? [Eongalo tali ti, "Amen."—Sd.] Omamoniko ihaa dopa. Okwa yukilila lela Oshili.

<sup>264</sup> Paife didilika. Dimbuluka emoniko loshuundungila? Charlie, onda . . . Oove ou.

<sup>265</sup> Shimwe otashi ningwa, onde ku lombwela, oshivike eshi, kutya ove . . . Ashishe osha kala pwoove, ashike onda kumwa nge owe shi didilika.

<sup>266</sup> Dimbuluka oshuundungila, shemoniko lOvaengeli, eshi nda nda dja apa ndi ye koArizona? [Eongalo tali ti, "Amen."—Sd.] Oto dimbuluka *Efimbo Ongapi, Omufimanekwa?* ["Amen."] Oto shi dimbuluka? Didilika, opa li ashike etopo limwe linene lenghuma, nOvaengeli vaheyali va holoka. Oshi li tuu mondjila? ["Amen."] Etopo limwe lenghuma, Ovaengeli vaheyali va holoka.

*Ndele onda mona Odjona eshi ya matula oshipatifo shotete, onda uda, sha fa ondaka yenghuma, ndele shimwe shomoinamwenyo osha tya, Ila u tale.*

<sup>267</sup> Didilika, enghuma limwe, Omatumwalaka Aheyali oo a patwa itaa ka hololwa nafiyi efiku laxuuninwa, lefimbomudo eli. Uwete eshi nda hala okutya?

<sup>268</sup> Paife, owa didilika tuu oshitopolwa shikumwifa shoshivike eshi? Osho Shi li. Osho Sha kala. Inashi kala omunhu, o—omunhu, osha li Ovaengeli vOmwene.

<sup>269</sup> Didilika, ope na eendombwedi, natu, di li omu, oshivike sha dja ko, kanini koshivike shapita, Onda li ko, kwinya keemhunda, hanga koMexico, novamwatate vavali ovo ve li omutumba omu. Tava tona onamunghanyata, ile eeshoke, kokaulu kombulukweva yange; netopo ola topa, konyala, tali monika la fa, tali kakamifa eemhunda. Paife, oshi li mondjila. Inandi lombwela ovamwatate vange, ashike ova didilika eyooloko.

<sup>270</sup> Ndele Ye okwa lombwela nge, "Paife lilongekideni. Indeni koushilo. Eli efatululo lemoniko olo." Uwete? Paife, oku ku shiivilila, Mumwatate Sothmann ina mona oshifitukuti eshi kwa li ta kongo. Okwa li hatu kendabala oku mu kongela. Ndele Ye okwa ti, "Paife, konguloshi, molwa edidiliko kwoove, ite ke shi ninga. Ou noku liyandja mwene pefimbo apa molwa etalelepo lOvaengeli ava." Nondi li uda mwene, dimbuluka.

<sup>271</sup> Ndele onda li kouninginino. Ovaengeli ova dja koushilo. Ndele eshi ve uya, onda yambulwa po pamwe navo, (oto shi dimbuluka?) tava di koushilo.

<sup>272</sup> Ndele Mumwatate Fred, omu konguloshi, oye ondombwedi, naMumwatate Norman. Eshi twa ya ko, hanga nda itavela omulumenhu oo a kale ko noku konga oshifitukuti shaye. Oshi li tuu mondjila, Mumwatate Sothmann? [Mumwatate Fred Sothmann ta ti, "Amen."—Sd.] Heeno, opo, a li ofika. Onda itavela; ashike, tuu, Ye okwa ti, "Ye ite shi ningi." Inandi tonga sha; otwa twikila.

<sup>273</sup> Shimwe, shi li pomunghulo wetwali, efiku olo...Oto dimbuluka, Mumwatate Sothmann. Ndele ame, eshi ngoo oinima imwe ya tongwa, kutya onde ku tula naMumwatate Norman.... Mumwatate Norman oku li peni? Konima kwinya. Nde va tula koshi yeano, kutya itava tumbula eshi tashi ningwa po. Oshi li tuu mondjila? [Ovamwatate tava ti, "Amen. Osho oshili."—Sd.]

Onda punguluka noku ya kokule netwali olo, *ngaha*? Oshi li tuu mondjila? [“Oshi li mondjila.”]

<sup>274</sup> Molwaashi, eshi osho sha li, naana eshi sha li, ndi shii kutya itandi dulu oku shi tonga fiyo sha ningwa, ndi tale nge ovanhу otave shi udu ko.

<sup>275</sup> Ndele owa didilika tuu? “Omwengeli umwe oo,” onda ti, “mwinya, omwa li Omwengeli mukumwifa.” Ye ota monika kwaame edule aveshe vakwao. Oto shi dimbuluka? [Eongalo tali ti, “Amen.”—Sd.] Ova li moshuundungila; vatatu kombinga, naumwe pombada. Ndele ou e li popepi naame apa, oku valula okudja kolulyo, okwa li Omwengeli omutiheyali. Ye okwa li ta taima, unene kwaame edule Vakwao. Oto dimbuluka? Onda ti, “Oku na onhulo Yaye ya nhuka mo, *ngaho*, a li ta tukile koushilo” (oto dimbuluka) “*ngaho*.” Onda ti, “Okwa yambula nge po; a yelufa nge po.” Oto shi dimbuluka? [“Amen.”]

<sup>276</sup> Osho Ngaha, umwe nOshipatifo Oshitiheyali, oshinima osho nda kuminwa onghalamwenyo yange aishe. Amen! Oipatifo ikwao oyo otai ti shihapu kwaame, shoshili, ashike, akutu, ku shii Eshi sha hala oku tya, oshikando shimwe monghalamwenyo!

<sup>277</sup> Onda ilikana, onda lila kuKalunga. O—o—onda... Konima yoshiongalele osho shaPhoenix... Umwe womovanhu, kwinya pamwe naame, ove shi shii. Onda nangala keemhunda.

<sup>278</sup> Ongula imwe, onda penduka noku ya koSabino Canyon, odo dinene, da pama, eemhunda di li poule. Ndele onda ya ko. Ndele ope na okandjila kokeemhadi, eshi to tameke oku dja mo, oto i koLemon Mountain, osho shi li eemaila omilongonhatu to ende, popepi hanga omhana omilongonhatu deandu mwinya. Hano, kwinya keemhunda, manga eluwa inali tenda, handipitile mokandjila aka kokeemhadi, handi ngungula nomamanya. Onda uda nda wilikwa oku henukila *ngaha*. Ndele onda punguluka, noku ya muamwe manene, omamanya oifulukutumba, akutu, kutu, omana omafele moule.

<sup>279</sup> Ndele onda twa eengolo pokati komamanya aa. Onda tula po Ombibeli *ei*, noku tula po embo eli... okapelende *aka*. Onda ti, “Omwene Kalunga, emoniko eli otali ti ngahelipi? Ame—ame—ame...” Onda ti, “Omwene, osha... Otashi ti oku fya kwange?”

<sup>280</sup> Oto dimbuluka, onde ku lombwela, “Onde lipula otashi dulu okutya efyo lange, shaashi shimwe osha topa fiyo sha ndjungaula nge.” Oto shi dimbuluka. Vangapi ve shi shii, ve shi uda? [Eongalo tali ti, “Amen.”—Sd.] Omolwashike, oshili, uwete, amushe. Ndele onde lipula otashi ti efyo lange.

<sup>281</sup> Opo nee monduda, onda ti, “Osha li... O—o—osha li shike, Omwene? Otashi—otashi ti ngahelipi? Otashi ti ohandi ka fya? Nge osho, eewa, itandi lombwele ovakwaneumbo vange. Nandi twikile ashike, uwete, nge oilonga yange oya pwa.” Nonda ti...

<sup>282</sup> Paife, osha li shike? Ashike Ye okwa tuma oundombwedi konima, oto dimbuluka handi ku lombwele, kutya hasho. Osha li etwikilo loilonga yange. Akutu, kutu, kutu! Owe shi kwata?

<sup>283</sup> Uwete, ndi li moSabino Canyon, Tate Omukwaulu oku shi shii, oshili ngaashi u wete sha wanifwa, Ovaengeli ovo ova kuluka noku shilipaleka Etumwalaka keshe lelifa. Hano, ou shii ngee Ola dja kuKalunga, ile ahawé. Ola xunganekwa, ove, pamoniko. Inandi dula oku mu lombwela nafiyi elongelokalunga la pwa, molwaashi onda li nda keeelwa.

<sup>284</sup> MoSabino Canyon, ndi li omutumba ongula oyo, onda yelufa omake ange pombada. Ndele lange... Omhepo oya pepa ko embale lange lilaula. Eshi... Onda li ofika, nomake ange pombada, handi ilikana. Onda ti, “Omwene Kalunga, eshi otashi ti ngahelipi? Nghi shi udite ko, Omwene. Ondi noku ninga ngahelipi? Nge efimbo lange loku ya kEumbo, nandi ye kwinya, opo vaha mone nge. Inandi hala umwe a lile, nge ohandi i. Onda—onda hala ashike ovakwaneumbo ve lipule kutya onda kufa ashike olweendo. Ndele itava mono nge. Holeke nge kumwe po. Nge ohandi i, oshike, nandi ye. Pamwe Josef ota mono Ombibeli yange i li apa, fikulimwe, noku mu efa e I longife. Uwete, nge ohandi i, nandi ye, Omwene.” Nonda tula omake ange kondje. Ndele, ohaluka, shimwe osha denga eke lange.

<sup>285</sup> Nghi shi shii. Itandi dulu oku shi tonga. Onda kofa? Nghi shi shii. Ile nda ya mehaka? Nghi shi shii. Osha li emoniko? Itandi dulu oku ku lombwela. Oshinima ashike handi dulu oku tonga osheshi nda... Oshinima shelifa ngaashi Ovaengeli ovo va li!

<sup>286</sup> Ndele osha denga eke lange. Ndele onda tala, nosha li eongamukonda. Ndele oli na oshilaleko shokawe, kawa shili; li na oshikwatelo, shoshingoldo. Ndele eemhemeo odali da fa shimwe sha fa oshivela shiyela, sha fa oshisilivel, ashike ola li lela tali vema. Ndele ola li leememo datwa sholwenya, akutu, kutu! Nonde lipula, “Kashi fi oshinima shiwa unene!” Sha wana ashike eke lange! Onde lipula, “Eli oliwa unene. Ashike,” onda ti, “hei, alushe onda tila oinima ei, eongamukonda.” Onde lipula, “Ohandi li longifa shike?”

<sup>287</sup> Opo tuu opo Ewi ole linyengifa ko, olo la tandula omamanya. Ta ti, “Olo Eongamukonda lOhamba!” Ndele hano onda dja mo musho.

<sup>288</sup> “Eongamukonda lOhamba.” Paife, nge Ola ti, “Eongamukonda lohamba...” Ashike Ola ti, “Eongamukonda lOhamba.” Ndele ope na imwe aike “Ohamba,” ndele oye Kalunga. Ndele Ye oku na Eongamukonda limwe, oyo Ondjovo Yaye, omo nda kala. Apa, kwafe nge, Kalunga; nda fikama poshitaafula Shaye shiyapuki apa, nOndjovo ei iyapuki i li apa! Oyo Ondjovo! Amen! Akutu, efimbo ngahelipi tu li mo! Oshinima shinene ngahelipi! Uwete oshiholekwa noshiholekwa? Oshititatu...

<sup>289</sup> Onda fikama po eshi sha fiya nge po, Shimwe oshe uya kwaame noku tya, “Ino tila.” Paife, inandi uda ewi lasha. Ngaashi meni lange, la popya. Ondi noku mu lombwela oshili, eshi naana sha ningwa po. Shimwe osha denga, noku tya, “Ino tila. Eli Eshilo Lititatu.”

<sup>290</sup> Eshilo Lititatu! Oto Li dimbuluka? [Eongalo tali ti, “Amen.”—Sd.] Okwa ti, “Owa kala u na ovahopaeneni vahapu mwaashi, eshi to kendabala oku ndjadjukununa. Ashike,” ta ti, “ino kendabala nokuli, Ngaha.” Oto shi dimbuluka? Vangapi tamu dimbuluka emoniko olo? [“Amen.”] Omolwashike, osha pwa. Osha kwatelwa, keshepamwe. Osha kala hanga omido hamano da pita, omido heyali da pita. Sha kala omido heyali da pita. Ta ti, “Ino kendabala oku I ndjadjukununa.” Ta ti, “Eli Eshilo Lititatu, ashike Ohandi ku shakeneke mwinya.” Oshi li tuu mondjila? [“Amen.”] Okwa ti, “Ino kendabala . . .”

<sup>291</sup> Onda li ofika no—nokanghaku kokahanana, eshi Ye a lombwela nge. Ta ti, “Paife ninga Eshilo Loyer Lotete. Nongeenge we shi ningi, oshi otai lotokele okakulya.” Ta ti, “Hano teeela Eshilo loye Litivali,” ta ti, “molwaashi Otali kala ashike oshi ishona.” Ye okwa ti, “Hano Eshilo Lititatu otali shi mono.”

<sup>292</sup> Ndele ovalongi aveshe ovo ova dingilila nge, tava ti, “Mumwatate Branham, otu shi shii kutya oto dulu oku shi ningi! Halleluya! Mumwatate Branham!” Opo alushe handi fininikilwa, ongudu yovaudifi. Uwete? Ondi hole ovanhu. Ova hala u ndjadjukunune kesheshimwe, *eshi, shinya*.

<sup>293</sup> Ndele onda ti, “Iya, uh, uh, uh,” onda ti, “Nghi shi shii.” Onda ti, “Ondi udite ko okuyulu eeshi. Paife,” onda ti, “paife, oshinima shotete to ningi. . . Apa omukalo sha ningwa. Ou wete eeshi adishe di li po; ou noku di nakula ko kokakulya.” Iya, olo ekoto naana lokuyula eeshi. Onghee onda ti, “Oku nakula ko okakulya. Paife, ou wete, eshi nda nakula ko okakulya, oshikando shotete, paife oshi otai ka shikula mo.” Ashike ova li vanini. Ndele ova fa ashike tava kwata.

<sup>294</sup> Onghee hano onda—onda ti, “Hano oto—oto kala . . .” Ndele onde i nakulila, komutuni. Ndele ondi na oshi, ashike otai monika ya fa oshipa kombada yokakulya, oya li ashike . . . oya li inini unene.

<sup>295</sup> Ndele hano opo nda li ofika, ndele Shimwe osha ti, “Onde ku lombwela uhe shi ningi!”

<sup>296</sup> Onda tameka oku lila. Ongodi aishe oye litangela nge, *ngaha*. Ndele ondi na . . . nda li po ofika, handi lili, nomutwe wange wa nyongama *ngaha*. Onda ti, “Kalunga! Akutu, onda . . . Dimine nge po! Ame—ame omunhu elai. Omwene, ino . . . Dimine nge po.” Ndele ondi—ondi na ongodi ei.

<sup>297</sup> Ndele ngaho, eshi ndi kwete meke lange, osha li okanghaku kokahanana, hanga kefike *apa*. Ndele ondi na ongodi oyo, ya li hanga ya kula elulo lifike pomunwe wange, hanga etata

loludibo, ngaha. Ndele ombululu yongodi konghaku ei oya li ifike hanga po...kashona kefike po—poshititatu shimwe, tashi dulika, oludibo, mombululu yonghaku. Ndele okwa li handi kendabala okumanga onghaku, nongodi yakula. Huh!

<sup>298</sup> Ewi ole uya, tali ti, “Ito dulu oku longa ouhanana vOpentekoste oinima yopashipwe.” Tali ti, “Paife, va efa!”

<sup>299</sup> Opo nee Ye okwa yambula nge po. Ye okwa twala nge pombada, noku tula nge pombada, opo pwa li oshiongalele tashi ningwa. Tashi monika sha fa etwali ile oshiongalele, shonhumba. Ndele onda tala, nopa li okapakete, ngeno, okanhele pomunghulo. Ndele onda mona Ouyelete oo wa li tau lombwele umwe, kombada yange, Ouyelete oo u wete mefano. Owa pepa kwaame, *ngaho*, nokuya metwali olo. Ndele tau ti, “Ohandi ku shakeneke kwinya.” Ndele ta ti, “Eli otali kala Eshilo Lititatu, ino Shi lombwele nande oumwe.”

Ndele moSabino Canyon, Ye okwa ti, “Eli olo Eshilo Lititatu.”

<sup>300</sup> Ndele ope na oinima itatu inene oyo tai endele pamwe naLo. Ndele shimwe osha futununwa nena, ile, onghela; shikwao sha futununwa nena; nope noshinima shimwe osho itandi dulu oku fatulula, molwaashi oshi li melaka lihe shiivike. Ashike opo nda fikama noku tala nda yukilila kuYo. Naali Eshilo Lititatu tali uya. Ndele Omhepo Iyapuki yaKalunga...Akutu, kutu!

Olo etomhelo Eulu alishe la li la mwena.

<sup>301</sup> Paife, xwe—xwepo ndi kanghame apa, uwete. Ondi—ondi udite nda talwa, ndi he Shi tongue. Uwete?

<sup>302</sup> Hano, dimbuluka ashike, Oshipatifo Oshitiheyali, etomhelo Inashi matulwa. Uwete, etomhelo Īnai Shi holola, kape na ou e Shi shii.

<sup>303</sup> Ndele onda hala u shiive, manga inandi shiiva Ondjovo yasha kombinga Yayo, emoniko olo ole uya omido da pita. Oto shi dimbuluka? [Eongalo tali ti, “Amen.”—Sd.] Ndele Olo ngaha, ngaashi ashike ikwao ei i na, ya yukilila mOndjovo naana apa Ya li. Ndele Kalunga oku shii omutima wange, inandi lipula nale oshinima shatya Ngaho, ndele osho Eshi. Okwa tok a shidulife hatu lipula. Uh-huh. Akutu, kutu!

<sup>304</sup> Otashi ulike kutya Osha dja kuKalunga, osheshi, uwete, Osha wana naana momaudaneko aKalunga, okudja pexulilo le—lEtumwalaka. Owa didilika. Didilika paife, osheshi Etumwalaka lexulilo lefimbo, Oshipatifo eshi. Konima yaashishe, Ye—Ye okwa holola Oipatifo ihamano aishe, ashike Ye ina tonga sha kombinga yOshitiheyali. Noshipatifo shexulilo lefimbo, eshi Sha tameka, otashi kala lelalela oshiholekwa filu, paOmbibeli, manga vehe Shi shii. Ndele dimbuluka, Ehoholo 10:1-7, 1 fiyo 7, ekapiteli 10:1 fiyo 7, “Pexulilo lEtumwalaka lomwengeli

omutiheyali, oiholekwa aishe yaKalunga otai shiivika.” Otu li pexulilo lefimbo, ematulo lOshipatifo Oshitiheyali.

<sup>305</sup> Paife, onde shi shiiva ngahelipi? Efiku linya, Osoondaxa ya dja ko, oshivike sha pita nena, eshi kwa li handi udifa “Kala we lininipika! Kala we lininipika! Dimbuluka, Kalunga ota longo moinima inini.” Inandi dimbulula eshi lela tashi popiwa. Ndele paife ondi shi wete. Oshi li momukalo welininipika! Oto lipula kutya shimwe shatya ngaho otashi hololelwia Ovatican ile... Ashike Otashi uya ngaashi Johannes Omushashi. Oshe uya sha fa edalo lOmwene wetu, moshiunda. Kalunga nahambelelwe! Hano kwafe nge, otundi oya fika! Amen! Ofye ngaha. Akutu, kutu!

<sup>306</sup> Paife ou shi wete, Oshili yemoniko laKalunga, Ovaengeli vaheyali va eta nge okudja kouninginino? Okwa li tava di kouninginino, tava shuna koushilo, va eta oku Etumwalaka eli konguloshi. Akutu, kutu!

<sup>307</sup> Paife, Ewi leng huma olo linene, netumo olo la etwa apa, ola holowa, kutya Yo...noku yelifwa kutya Oya Kalunga. Lipula ashike paife. Nghi shii Oipatifo ei, ndele oya holowa oshivike eshi. Ope na umwe e shi lipula, Ovaengeli ovo vaheyali ve li Ngaha, ve li Etumwalaka olo tali uya, Ovaengeli ovo va alulila nge oku molwa Sho? Uwete?

<sup>308</sup> Dimbuluka, Omutumwa omutiheyali okwa li...Ovatumwa vaheyali ova li...Ou a konekwa Aeke kwaame, Omwengeli omutiheyali, Okwa fa kwaame e dulife aveshe. Paife, uwete, ova li va fikama *ngaha*. Paife, otwa hala u didilike. Onda li nda fikama *apa*, nda li handi tale vakwao ava...

<sup>309</sup> Uwete, imwe, ongudu yotete, youdila vanini, omalwenya aeshe taa papamene poshi. Oto va dimbuluka? Ndele aveshe ova tukila koushilo. Ndele ongudu itivali, oya taima, oudila vanene, tava monika va fa eenghuti, omavava e na eexulo. Ova tukila koushilo. Eshilo Lotete, Eshilo Litivali, opo nee sha shikula ko osha li Ovaengeli. Ndele ngaashi...

<sup>310</sup> Opo nda li ofika, netopo eli ola kana po. Ndele okwa li handi tale *oku*, lwokouninginino, ndele Ove uya noku yambulila nge, Mwinya. Onda dja mo meshiivo lange. Ndele umwe womuVo, te uya, okwa li Oye ou ta monika mukumwifa kwaame, okwa li Oye kulange...E li kolumosho, oku nda dilila oku ya moshuundungila. Ashike oku valula okudja kolumosho fiyo okolulyo, otashi kala Omwengeli omutiheyali, uwete, te uya. Paife, dimbuluka, Ovatumwa vaheyali.

<sup>311</sup> Oto dimbuluka opiramidi yEmanya litoka, londjodi yaJunior Jackson oyo nde mu fatululila? [Eongalo tali ti, “Amen.”—Sd.] Uwete? Didilika, onguloshi oyo eshi nda ya, ndele onda...Opa li eendjodi hamano de uya, nakeshe imwe yomudo oya yukilila oshinima shelifa. Hano emoniko ola tameka, noku tuma nge kouninginino. Ndele, Junior, okwa li ta tale fimbo...Didilika. Tala nhumbi sha yukilila!

<sup>312</sup> Paife, o—onde lineekela nokulineekela kutya ovanhu nye omwa dimbulula kutya ohandi kendabala oku tula efilonghenda eli muJesus Kristus, Ou eli Omutoti waashishe sha Yo. Netomhelo alike ino uda nge nale handi popi ngaha, monghalamwenyo yoye, ashike otundi ei otai ehene. Uwete? Uwete? Didilika.

<sup>313</sup> Paife oku shi shilipaleka, kwoove, opo shi findilwe mo. Ondi li poku mu fiya po natango. Nghi shii oku handi i. Ondi noku udifa Evaengeli keenhele dikwao. Ashike paife, ngaha . . .

<sup>314</sup> Oto dulu u tye, “Onda uda omapwililo omaludi aeshe oo.” Nghi shii kutya oshike; itandi pangula ovanhu vakwao.

<sup>315</sup> Ondi na ashike okunyamukula Kalunga kwaashi nda . . . molwa—pohaulwa nge. Ashike opa kala tuu nale oshikando shimwe nde mu lombwela sha mEdina lOmwene, shihe li mondjila, momido adishe edi? [Eongalo tali ti, “Ahawé.”—Sd.] Kape na umwe elili ta dulu oku shi tonga, shaashi alushe onde shi tonga omukalo Ye e shi tonga.

<sup>316</sup> Paife nandi ku ulikile kutya eshi oshili naana, noku shi koleka.

<sup>317</sup> Paife dimbuluka, “Nge ope na omukwamhepo ile omuxunganeki, Ame Omwene ohandi popi naye momamoniko, noku mu shiivifila meendjodi.” Okufatulula eendjodi, osho ngaho. Josef, oha dulu oku fatulula eendjodi, noku popya noku—noku mona omamoniko. Oshili tuu?

<sup>318</sup> Paife shi didilika, kutya, paife, eshi sha ningwa, Junior okwa li a fikama mepya olo li na o—li na opiramidi yakula mulo, ngaho. Ndele opa li shimwe sha shangwa komamanya, nda li handi Shi hololele ovanhu. Oshi li tuu mondjila, Junior? [Mumwatate Junior Jackson ta ti, “Oshi li mondjila.”—Sd.] Hanga omudo manga inashi ningwa.

<sup>319</sup> Ndele didilika oshinima sha shikula ko paife. Onda kufa oshitenda sholudi limwe noku Shi tetaula, ndele meni omwa li Emania litoka olo lihe na sha sha shangwa kuLo. Ndele, pefimbo opo, onda yuka kouninginino. Ndele onde va lombwela aveshe, onda ti, “Inamu ya kouninginino. Kaleni apa mu Shi tale fiyo handi aluka.” Handi i kouninginino, molwa etopo; handi shuna koushilo, Omhepo Iyapuki tai fatulula Ondjovo ei inai shangwa. Paife, nge osho kashi fi naana Kalunga Omunaenghono adishe, onda hala u shiive kutya oshike.

<sup>320</sup> Ohandi kendabala oku shi tongela shike, ookaume? Oku mu ulikila kutya otu li pexulilo lefimbo. Paife, nge ikwao oi li naana koshitwa pamwe nOndjovo, osho yo Eshi oshi li naana koshitwa pamwe nOndjovo! Opo tu li. Otu li pexulilo, ookaume.

<sup>321</sup> Diva otashi kala “efimbo kali po.” Eemiliona otadi kanifa eemwenyo davo. Omamiliona otaa kala, paife va itavela kutya ova xupifwa, otava ka valulilwa eendja defimbomudo loatomika. Otu li potundi yaxuuninwa. Kefilonghenda laKalunga

Omunaenghono adishe, kekwafo Laye kovanhu Vaye, opo va dule oku tala komesho keholoko lodiva laKristus! “Fiyo onaini, Mumwatate Branham?” Pamwe omido omilongombali; pamwe momido omilongonhano; pamwe omido efele. Nghi shi shii. Ndele pamwe omongula; pamwe natango okonguloshi. Nghi shi shii. Ndele ava tava ti ove shi shii, ova puka. Uwete? Kave shi shii. Kalunga, aeke, e shi shii.

<sup>322</sup> Paife didilika. Onghee kwafe nge, kuKalunga, ohandi popi Oshili, kutya Aa omakonakono opamhepo kwaame, a konakonwa kOmhepo Iyapuki. Ndele, kukeshe limwe lOmuo, ola didilika onhele Yalo mOmbibel.

<sup>323</sup> Paife, oshiholekwa eshi shinene shi li koshi yOshipatifo eshi, nighi shi shii. Nghi shi shii. Itandi dulu oku shi tofa mo. Itandi dulu oku Shi tonga, eshi Sha—ashike eshi Sha tonga, ashike ondi shi shii kutya Oya li Omanghuma Aheyali taa popi e li popepi, taa ndwangula oikando iheyali ya yooloka. Ndele Oya futununinwa mushimwe shilili osho nda mona. Hano, eshi nde Shi mona, onda konga efatululo. Ola tukila kwinya, ndele inandi Shi tofa mo. Oshi li lela mondjila. UWete? Otundi yaSho inai fika natango.

<sup>324</sup> Ashike, ota Shi linyenge mongonga mwinya, uwete. Ota Shi ehene popepi. Onghee, oshinima u noku ninga oku dimbuluka kutya ohandi popi naave mEdina lOmwene. Lilongekideni, osheshi kamu shii kutya efimbo onaini shimwe tashi ningwa.

<sup>325</sup> Paife, ngeenge tashi i mokateipa, osho Shi li mo, otashi dulika tashi shingileshi omayovi omulongo ookaume kange kokule naame. Shaashi, otava ka tya, kutya, “Mumwatate Branham ota kendabala oku litula po yemwene, noku lininga yemwene, o—omupiya ile omuxunganeki, ile shimwe, koshipala shaKalunga.” Nandi mu lombwele, vamwatate vange, olo epuko.

<sup>326</sup> Ohandi mu lombwele ashike eshi nda mona naashi nda lombwelwa. Ndele paife o—ove ninga keshe eshi wa hala. Nghi shii ou ta ka... eshi tashi ka ningwa. Nghi shi shii. Ondi shi shii kutya Omanghuma Aheyali aa oku na oshiholekwa osho. Eulu okwa li la mwena. Kesheumwe ou udite ko? [Eongalo tali ti, “Amen.”—Sd.] Otashi dulu oku kala efimbo, otashi dulu oku kala otundi paife, kutya omunhu ou munene twa teeleta a fike poima ota fiki poima.

<sup>327</sup> Pamwe oshihonga eshi, eshi nda kendabala oku shuna ovanhu mOndjovo, osha yala ekanghameno; ndele nge osho, ohandi mu fiye po, fiyo alushe. Itapa kala vavalii vomufye apa efimbo lelifa. UWete? Nge osho, ota nenepala; ame ohandi ninipala. Nghi shi shii.

<sup>328</sup> Ashike onda kala omunamhito, kuKalunga, oku tala noku mona eshi Shi li, uwete, uwete ya futununwa fiyo opapa. Paife, oyo Oshili.

<sup>329</sup> Ndele ondi shi shii kutya owa didilika oinima oyo ya ningwa oshivike eshi. Ondi shi shii kutya omwa didilika okamatyona

oko Collins ka nangala, taka fi, onguloshi inya; oko kanini, okakadona noleukemia.

<sup>330</sup> Ouhamba waKalunga otau uya. Ndele Otau hapupala okudja komudidimbe tau fiki mouyelele, ngaashi wa kala. Paife, osho inashi wana oku halula ovanhu. Okudja keyukipalifo, okuya meyapulo, okuya meshasho lOmhepo Iyapuki, ndele hano *apa*, *apa*. Uwete? Ohatu lishilile popepi naKalunga, efimbo alishe.

<sup>331</sup> Ku wete ko, ovalongi Ovamethodiste, nhumbi etumwalaka leni leyapulo la li pombada laashi Luther a udifa?

<sup>332</sup> Nye Ovapentekoste, kamu wete etumwalaka leni leshasho eshi li li pombada yaali Ovamethodiste va udifa? Omu shii eshi nda hala okutya?

<sup>333</sup> Akutu, otu noinima ihapu ya tetekela! Ndele oshi li mondjila. Ndele nge ope na umwe ou a kenyanagan epuko, novanhua tongo shimwe shoipupulu ndele kashi fi Oshili, osho ondi shi tonde.

<sup>334</sup> Ashike ame—ame ondi hole Oshili yovene, kutya nee oshifike peni Tai piyaaneke omukalo *ou* ile omukalo *winya*. Nge Yo Oshili, Kalunga Iwaxuuninwa ote I ulike onga Oshili. Ndele nge Ye ite shi ningi, limwe lomomafiku aa diva, hano emoniko lange ka li li mondjila. Paife tala apa nde li tula.

<sup>335</sup> “Otashi kala naini, Mumwatate Branham?” Itandi shi ku lombwele. Nghi shi shii.

<sup>336</sup> Ashike, limwe lomomafiku aa, nge inatu shakena vali kedu oku, ohatu ka shakena kwinya ko—kOshipundi shEpangulo shaKristus. Ndele oto shi mono mo, kutya, monduda mwinya, ehololo ola dja kuKalunga, ngaashi aeshe akwao a dja ko, kutya Oo...Shimwe shomoiholekwa yOshipatifo osho, etomhelo Inashi hololwa, Osha li Omanghuma Aheyali oo a popya omawi Avo. Ndele Osho ngaho, nawanawa. Molwaashi, kape na shimwe shi shii kombinga yaSho. Inashi shangwa nokuli. Hano, otu li pexulilo lefimbo. Opo tu li. Onda pandula Kalunga molwa Ondjovo Yaye.

<sup>337</sup> Onde Mu pandula molwa Jesus Kristus. Osheshi, nge ine Mutura ko mo—molwa ekulilo lomatima etu, atushe ngeno ohatu kala monhata yakula youlunde, tuhe na elineekelo. Ashike, pafileonghenda Laye, Yaye—Ohonde Yaye otai koshola omatimba aeshe. Ongaashi eta loinga mokavela koClorox, ito mono mo vali oinga. Ngeenge omatimba etu a hepaululwa, okwa tulwa mOhonde yaJesus Kristus; itaa shiivika vali. Kalunga okwe a dimbwa; inaa ninga nokuli. Ndele shama ashike Eyambo olo li li po mekwatakanifo letu, hano opuwo. Osho ngaho, uwete. Katu—kati fi vali ovalunde. Fye Ovakriste, pafileonghenda laKalunga. Dimbuluka, hano mounhu wetu vene otashi dulika tu kale tu vaii ngaashi twa kala. Ashike, uwete, efilonghenda laKalunga ole tu holokela, ndele osho she tu ninga eshi tu li nena, ovamwatate Ovakriste novamwameme.

<sup>338</sup> Eshi osha kala oshivike shinene kwaame. Onda loloka. Omadiladilo ange okwa loloka. Molwaashi o—ondi na...naashi handi dulu oku ninga. Nashimwe shikumwifa tashi ningwa, keshe efiku. Ohandi kuminwa; oku ya mo monduda, noku kala mo ominute dishona, noku mona Shimwe tashi pungulula nge filufilu.

<sup>339</sup> Ndele, apa, ohandi i mo noku kufa oididilikwa. Ohandi kufa omambo a Ndokotola Smith, Uriah Smith, ndele, akutu, o—ovashangi nakesheshimwe, noku lesha mo, handi lesha momambo avo. Onda ti, “Paife apa Oshipatifo Oshitihamano. Apa Oshipatifo Oshitine. Paife omulumenhu ou ota ti ngahelipi? Ota ti, ‘Iya, Osha li *ngaha, ngaho, ile ngahenya.*’” Ohandi tale apa noku kufa omulumenhu mukwao. Okwa ti Osha li *shonhumba-no-shonhumba*. Ndele otashi monika sha fa ashike... Itashi longo nawa. Uwete?

<sup>340</sup> Hano onde lipula, “Iya, Yo oshike, Omwene?” Ndele handi lyatauka polukolongo okafimbo. Handi tu eengolo noku likana. Handi shuna noku kufa Ombibeli; handi kala omutumba, handi lesha. Handi shuna konima nokomesho.

<sup>341</sup> Hano, omgaardilila, eshi nde limwenenena, apa Oya futununwa ngaho. Hano onda vakula opena diva, noku ya ndi I shange ngaho, keshe eshi handi mono noku ninga. Handi I tale, ngaho, fiyo nde I shanga.

<sup>342</sup> Hano ohandi kufa, efiku alishe, noku ya noku Shi shikula, noku tala nge Oya mangela kumwe aishe mOmishangwa. Hano, “Konakoneni oinima aishe.” Uwete? Ondi I na apa.

<sup>343</sup> Ndele ohandi lipula, “Paife, ope na ovanhu vahapu ve na omamoniko. Ope na vahapu va kala mehololo.” Nge oshi li omhinge nOndjovo, shi efa; oshi li mondjila, shi efa.

<sup>344</sup> Paife, paife, hano ohandi Shi lotoka *ngaha*, handi shi lotoka *ngaha*. Handi didilike po ounima ve li apa. Onde lipula, “Iya, paife, ongudu otai hafe oku shi uda, shaashi otashi mangele kumwe *apa* noku mangela kumwe *apa*. Paife, natu tale, eshi otashi ti shike *apa*? Eheno. Ndele, heeno, osho *ngaha*, apa *ngaha*.” Uwete?

<sup>345</sup> Noku I shuna mOmbibeli, noku i manga kumwe, moule woshivike. Oyo ngaho, mouteipa. Owa tambulwa ko kuvo. Nonde shi ninga meshivo lange ngaashi handi dulu, koshi yokwoongala kwOvakriste, efilonghenda laKalunga, kovanhu aveshe, muJesus Kristus. Onda ninga eshi ndi shii oku ninga.

<sup>346</sup> Omwa kala ongudu imwe iwa. Kape na vali umwe ta kala omutumba shidulife opo. Amushe omwe uya apa poimwe komutwe omutenya, fiyo onhano komutwe, eshi va yeululila ongeleka noku eta...ovanhu nave uye mo. Omwa fikama moutalala; omwa kala omutumba meandu; omwa ninga kesheshimwe; mwa fikama pomakuma, fiyo omaulu eni taa vele. Onda mona ovalumenhu, ve li omutumba pedu. Ovakinhu va

kale ko omutumba, naava va yooloka otava fikama, ngaho, ve li omutumba. Onde lipula, “Omwene, aveshe . . .”

<sup>347</sup> Eshi osha kala oshivike shikumwifa. Oshinima ashishe osha kala shikumwifa, nhumbi, ovanhu tave uya, to va tale va fikama pondje, momakende, moivelو, konima konima nima, keshepamwe, tava pwilikine. Ndele onga omupopi, ondi li kokule noku kala omupopi. O—ondi na eendunge dihapu, oku shiiva kutya nighi fi, kutya ame nighi fi omupopi. Ashike omolwashike ovanhu tava kala omutumba noku pwilikina ngaho? Omolwashike tave shi ningile? Inave uya oku pwilikina omunhu a fa nge. Ashike otave uya molwaashi ope na Shimwe musho, tashi nane ovanhu. Oshi li mondjila. Uwete? Ope na Shimwe musho, tashi va shili.

<sup>348</sup> Eshi omwalikadi wange a fikama oku komesho ta imbi, eshi nda tameka:

Ova dja kOushilo nokOuninginino,  
 Ova dja kedu lokokule,  
 Va tyapule pamwe nOhamba, va lye onga  
 ovaenda Vaye;  
 Ovaendanandjila ova yambekwa ngahelipi  
 ava!  
 Va tala oshipala Shaye shiyapuki  
 Tashi vilima nOuyelete wOukwakalunga;  
 Ovakwatakanifwa           va           yambekwa  
 vefilonghenda Laye,  
 Onga eemba koshishani Shaye di vilime.

<sup>349</sup> Alushe shi diinina momadiladilo, “Oku kala omba kOshishani shaJesus Kristus.” Paulus okwa lombwela Ongeleka, “Onye—onye eemba, ile, eemba dOshishani Shaye.” Otwa hala oku kala eemba dOshishani shaJesus Kristus.

<sup>350</sup> Inatu hala, tu tule mo omunhu. Dimbwa kombinga yange. Ame omumwaxo, omulunde a xupifwa kefilonghenda, ina wana oku kala nomwenyo. Oyo oshili naana. Itandi shi popile okulininipika; osho oshili. mwaame kamu na sha, kamu na omulyo wa sha, nande.

<sup>351</sup> Ashike efilonghenda laKalunga ola pitika ange anghundi, omesho a twika a tale konima yetukulifo lefimbo noku mona oinima oyo kwinya, ndele handi aluka.

<sup>352</sup> Eshi nda li okamatyona, ondi hole ovanhu. Alushe onda hala umwe a kale e hole nge noku popya naame. Kape na umwe te shi ningi, molwa edina lepata. Kape na ou ta popi naame.

<sup>353</sup> Ashike eshi e liyandjo lange kuKalunga, hano . . . Ovanhu vetu, omudingonoko, moku kala Omuirish, onde lipula, “Pamwe . . . Aveshe ova li Ovakatoolika, napamwe Oyo.” Onda ya kwinya, ndele Ye okwa li omukalo umwe. Ndele onda ya kongeleka yOtete yObaptiste, ndele Ye okwa li omukalo mukwao.

Onda ti, “Omwene, ope noku kala omukalo umwe washili.”

Ndele Shimwe osha ti, “Osho Ondjovo.”

Onda diinina Ondjovo oyo. Nda tala kemoniko keshe, keshepamwe.

<sup>354</sup> Efiku nda yala emanya lokolonela kwinya, noku shi tula mo, onda shanga ko eshi Ye a ulikila nge ongula oyo memoniko. “Shi ninga mefimbo liwa, nomefimbo lii; hanyena noutalanheni aushe nElongo. Osheshi otape uya efimbo vo tava kenyanagan Eloko la yuka; ndele nee pauhalu wavo vene otave ke likongela kumwe, ovalongi, eshi omatwi avo taa nyuwa; ndele tava di ko kOshili, va shikula eengano.” Ndele onda mona omiti odo mbali, opo nda fikama, tadi ningi oshinima shelifa. Oshi li mondjila. Ndele ofye ava. Ndele osho oshili. Ndele, paife, ito . . .

<sup>355</sup> Dimbuluka. Nandi mu pandule. Ino tya, “Tangi,” ku umwe, nandenande. Ino tya, shi diladila, komulungi wonhumba ile sha, omunhu omuxulipo; kamu na ouwa washia myue. Molwaashi, kamu na. Nghi na ko na sha kutya oye lyelye. Kamu na ouwa wa sha momunhu. Oshi li mondjila.

<sup>356</sup> Nge ope na onduba yomanghuma e li apa, ndele limwe lomuo oli noku shika omusika yonhumba, omunhu . . . Omanghuma oo okwa mata filu. Omunhu ou ta dulu oku shika enghuma, ou e shii eshi ta ka ninga, oye ta kufa enghuma. Enghuma ka li na sha nalo. Ondaka oya dja keendunge dimwe konima yalo. Oshi li mondjila. Onghee, omanghuma aeshe okwe lifa.

<sup>357</sup> Ovanhu aveshe ove lifa. Ovakriste aveshe ove lifa. Kamu na ovanhu vanene mokati ketu. Katu fi ovanhu vanene, ha ovakainhu vanene. Atushe ovamwaxe novamwaina, aveshe ve lifa, moshikandekifo shelifa. Katu fi “vanene.” Umwe ita ningi shimwe shinene shi dule shamukwao, ha shimwe nande, oku ninga. Ahawé, omufimanekwa. Ashike atushe ovanhu.

<sup>358</sup> Ino kendabala oku fatulula oinima. Ino kendabala oku ninga shimwe ponhele yoku kala onghalamwenyo i li popepi, tai yandje ehambelelo noku fimaneka Jesus Kristus. Kesheumwe ou shi udite ko paife? [Eongalo tali ti, “Amen.”—Sd.] Ndele hano kala u Mu hole nomutima woye aushe. Oto shi ningi?

Ondi Mu hole, (Nohandi kala!) Ondi Mu hole  
 Molwaashi Ye e hole nge tete  
 Noku landa exupifo lange  
 Komuti waKalvali.

<sup>359</sup> Kalunga na hambelelwe! Kesheumwe ou udite ko nawa? [Eongalo tali ti, “Amen.”—Sd.] Kesheumwe okwa itavela? [“Amen.”] Dimbuluka eshi tete nda tameka, “Olyelye a itavela eudifo letu? Okwooko kOmwene okwa hololelwya lyelye?” Hano Ye okwe ku hololela, onghenda Yaye, ouwa Waye? Amen. Dimbuluka ashike, kala u Mu hole nomutima woye aushe.

<sup>360</sup> Ohandi shuna keumbo paife. Ohandi alukile vali apa, Omwene nge e shi hala, petameko laJuni.

<sup>361</sup> Pamwe, nge Omwene okwe shi tula momutima wange, pamwe fimbo limwe okwenye oku petameko, ngaashi muJuni ile umwe po, pamwe poitemadula, nge Omwene okwa kala ko, onda hala oku aluka noku kala po omaufiku aheyali akwao, molwa Omanghuma Aheyali axuuninwa. Otamu kala mwe shi hala? Otamu kala mwe shi hala? [Eongalo tali ti, "Amen."—Sd.] Iho ilikanene nge, opo Kalunga a kwafe nge? ["Amen."] Eewa.

<sup>362</sup> Nafiyi handi mu shakeneke vali, otamu dimbuluka eimbilo eli liwa likulu:

Ondi Mu hole, ondi Mu hole  
Molwaashi Ye e hole nge tete  
Noku landa exupifo lange  
Komuti waKalvali.

<sup>363</sup> Paife onda hala mu nyongameke omutwe weni. Onda hala oku mu ilikanena. Manga omufitaongalo ina lekela, onda hala oku mu ilikanena.

<sup>364</sup> Tate wetu Omukwaulu, ovanhu, Omwene, nava ude ko. Osho, ondi shii kutya ope na vamwe vehe u dite ko. Ashike, Tate, nava—navi shiive oshilalakanenwa. Ndele nava ude ko, Tate, kutya—kutya efilonghenda Loye kuvo eshi oinima ei ya hololwa. Ndele onda hala oku Ku pandula, Omwene, molwa eshiivo lokushiiva oinima ei We tu hololela.

<sup>365</sup> Ndele ohandi ilikanene keshe umwe e li apa, keshe ou a li moiongalele. Nge ope na vamwe ava inava itavela, pamwe, Omwene, nava ninge ovaitaveli.

<sup>366</sup> Ohandi ilikanene aveshe ava tava ka pwilikina Omatumwalaka kokateipa. Ndele nge Oya wile, osho Tashi kala, kape nelimbililo, momaumbo nomeenhele dovaheneitavelo vahapu ovo va yooloka; ashike, Tate, ohandi ilikanene keshe umwe, kutya manga inava tonga oshitya shomasheko, opo va kale omutumba tete noku konakona Omishangwa kwaashi sha tongwa, noku tya kwoOve kutya ove litulamo shili nova hala oku shiiva ngee ei Oshili, ile ahawé. Ndele ohandi va ilikanene, Tate.

<sup>367</sup> Ndele ohandi ilikanene ava va kala va fikama pomakuma aa, ava va fikama pondje, ava ve li omutumba meetuwa davo, molwa ounona vanini, naaveshe va kala meni. Naaveshe vomuvo, Omwene, ohandi va ilikanene.

<sup>368</sup> Ndele ohandi ilikana opo omailikano ange a nyamukulwe, opo U va yambeke. Tete, Omwene, pa keshe umweOmwenyo waAlushe. Ohandi ilikana opo paha kale umwe womuvo ta kana, nande oumwe.

<sup>369</sup> Ndele paife, Tate, katu shii kutya onaini oshiningwanima eshi shinene tashi ka ningwa. Ashike ngeenge tu wete

omadidiliko aa taa holoka, oiningwa yopaOmishangwa, otaa i xwameke omitima detu shihe fi okuyelekwa. Nohandi ilikana, Tate Kalunga, opo U tu kwafe.

<sup>370</sup> Ohandi ilikana opo U kwafe omufitaongalo wetu omuholike, Mumwatate Neville. Mu ninga, Omwene, e yadi efilonghenda nouyadi weenghono, neudeko, opo a kufe Oikulya ei ya tuvikilwa noku palula eedjona daKalunga.

<sup>371</sup> Omwene, ohandi ilikana opo U kaleke ouvela kokule nafye. Nashi ningwe, kutya ngeenge ovanhu tava vele, opo va dimbuluke yopafe nOhonde aishe yawanenena yOmwene Jesus i li koaltari, oku ninga ekwatakanifo. Ndele ohandi ilikana opo va veluke diva.

<sup>372</sup> Ndele ohandi ilikana opo U kaleke eenghono daSatana kokule navo, oku va teya omukumo, ile a kendabala oku va dongaula. Ile, kaleka kokule eenghono adishe domutondi, Omwene. Tu yapula nOndjovo Yoye. Shi wanifa, Omwene.

<sup>373</sup> Hano, Omwene, ohandi ilikana opo U kwafe nge. O—onda hovela oku ya, Omwene. Ondi shii kutya omafiku ange kae fi vali mahapu. Ndele ohandi ilikana opo U kwafe nge, ndi kale omunashili, Omwene, noushili nelitulemo, opo ndi dule oku humbata Etumwalaka ngaashi la nuninwa ndi li humbate. Ndele ngeenge tashi ya pefimbo olo ndi noku nangala, ndele handi i kOmulonga, nomakufikufi taa hovele oku uya, Akutu Kalunga, nandi dule oku yandja Eongamukonda eli ku umwe elili ou ta kala omunashili naLo, Omwene, noku humbata Oshili. Shi wanifa, Omwene. Ndele, nafiyo opopo, kwafe nge ndi kale neenghono ndi noukolele, nomukumo.

<sup>374</sup> Kwafa ongeleka yange. Tu yambeka pamwe, Omwene. Fye ovoYe. Otu udite paife kutya Omhepo Yoye oi li mokati ketu. Otwa itavela kutya Oto nyamukula omailikano etu. Osheshi, otwe liyandja fyevene kwoOve, nOndjovo Yoye, molwa elongelokalunga omafiku etu aeshe kedu oku, mEdina lOmona waKalunga, Jesus Kristus, Omuxupifi wetu omuholike, molwa efimano Laye. Amen.

Ondi . . . (Kalunga ne ku yambeke!) . . . Ondi  
Mu hole (nomutima wange aushe),  
Molwaashi Ye e hole nge tete.

<sup>375</sup> Kalunga ne ku yambeke, Mumwatate Neville . . . ? . . . Kala ponhele yoshinakuwanifwa . . . ? . . .

### OSHIPATIFO OSHITIHEYALI TASHI TWIKILE

<sup>376</sup> [Omwa mana oku pwilikina *Oshipatifo Oshitiheyali* shovene ngaashi sha udifwa melixwepo lasho mOsoondaxa onguloshi, Maalisa eti24, 1963 kEtwaliongalo Branham moJeffersonville, Indiana. Mumwatate Branham ina hala ekwateko eli lopotameko li hololwe. Efiku lashikula ko, Omaandaxa, Maalisa eti25, 1963,

Mumwatate Branham okwa ya kondjuwo yaMumwatate Fred Sothmann naMumwatate James Maguire, ava va li pefimbo olo mepangelo loku ninga outeipa. Mumwatate Branham okwa lombwela ovamwatate ava, "Inandi hala etumwalaka eli li tumwe omukalo li li." Konima yoku pwilikina kokateipa yemwene, okwa lombwela ovamwatate va efe oku kwatela pomhito yonhumba, nopolmhit oyo (okwa hovela pokatendo onomola 261) a kwatela oshitopolwa konyala shominute omilongo mbali moule (okatendo 377-415). Oshitopolwa eshi shipe hano osha longifwa ponhele yexulilo lopetameko (okatendo 261-375). Ekwatelo eli ola li ashike eendululo lOshipatifo Oshitiheyali nafiyo 1966. Konima Mumwatate Branham a dja po, ewilikongudu la William Branham Ehangan lOpavaengeli alishe kumwe ola twa kumwe oku yandja okateipa kekwatelo lopetameko ketwaliongan. Okudja pefimbo olo, omaendululo aeshe okwa manguluka. Paife otwa tula etumwalaka la wedwa ko laMumwatate Branham mokateipa kamwe, nOshipatifo Oshitiheyali shovene. Ewi la shikula ko to pwilikine ola Mumwatate Branham monduda yokohotela mOmaandaxa, Maalisa eti25, 1963—Sd.]

<sup>377</sup> Otashi kala oshinima shiwa opo a ha shiive kombinga ya Yo. Molwaashi, nge okwe shi ningi, hano ote I hopaenene. Olo ekoto laye moku ninga oinima.

<sup>378</sup> Onghee, hano, Kalunga okwe I ninga ya holekwa ounyuni aushe, fiyo omEulu, kutya kape nomukalo woku I udako, ongaashi ashike Kalunga te I holola, Yemwene.

<sup>379</sup> Paife onda hala u didili, konguloshi, kutya mOshipatifo Oshitihamano, omwa li e—elalakano etiheyali lOshipatifo Oshitihamano.

Opa li elalakano etiheyali lovalondi veenghambe.

<sup>380</sup> Opa kala elalakano etiheyali moinima aishe ei. Olo tali tu shuna kuitatu. Ndele heyali, natango, uwete, Oipatifo Iheyali, Oiyaxahandu Iheyali, nosho tuu. Paife, muitatu naiheyali, oyo onomola yomuvalu Waye woku holola Ondjovo Yaye.

<sup>381</sup> Paife didili, ngaashi ko—ko—kovalondi, paife, opa li eenghambe nhatu da dja mo. Imwe yomudo okwa li itoka, imwe oya li itilyana, imwe oya li ilaula. Opo nee, konghambe onhine, oshike, adishe domudo oda lumbakanifwa mumwe. Uwete, elalakano etiheyali.

<sup>382</sup> Paife, Kalunga okwa ninga oshinima shelifa. Kalunga okwa ninga shelifa eshi Ye a tuma onghoshi Yaye, oyo ya li Ondjovo Yaye, oku lwifa antikristus.

<sup>383</sup> Hano otwa mona mo kutya Ye okwa tuma onani mefimbo lo—lomahepeko, oshinamwenyo sheyambo. Ndele mefimbo eli lomahepeko, eshi ovanhu aveshe tava dulu oku ninga, okulonga ashike, oupuka, noku yandja vovene eyambo.

<sup>384</sup> Hano otwa mona mo, mefimbomudo la shikula ko, olo la li efimbomudo lovatungululi, Kalunga okwa tuma ounongo komunhu, omutwe wa fa womunhu kOshinamwenyo, oo wa li eenghono odo da tetekela movatungululi.

<sup>385</sup> Paife owa didilika tuu? Keshe...Kape nonghumwe esh ovanhu vefimbo eli natango ve li monale, ngaashi sha li mefimbomudo lovatungululi, molwaashi ove shi wete ashike mo—momukalo woukwangeleka oku shi tala. Ove shi wete momukalo eeseminali de shi longa. Oo owa li omukalo waKalunga oshikando shinya, ashike otwa koya po nale.

<sup>386</sup> Paife otu li mefimbomudo lonhwa, ehololo li noku holowa, oshinima ashishe. Paife shi udika nEhololo ekapiteli eti10, ovelise 1 fiyo 7. Ndele ohatu mono apa mEhololo eli, Ehololo apa, 10:1 fiyo 7, kutya, “Mefimbo leingido lEtumwalaka lomwengeli omutiheyali, otali wanifa oiholekwa aishe yaKalunga.”

<sup>387</sup> Paife otwa mona mo, yo, mwaashi, kutya Oshipatifo Oshitihamano, paife osha matulwa, osha li molwa elalakano etiheyali. Paife, apa opa li omalalakano.

<sup>388</sup> Oshinima shotete, osha li, kutya oukadona va kofa ove noku pitila mefimbo lOmahepeko mekosholo. Oku noku diminwa po omatimba aye okuhaitavela nokuanya Etumwalaka. Eli, okwa pwa mefimbo lOmahepeko. Otu wete ve lihangapa mEhololo 7, pokati keti6 nekapiteli eti7 apa, kutya okwa diminwa po, nokwa pewa oikutu yaye. Paife, ke fi Omufuko. Ashike ongeleka, ovanhu va yela o—o—ovo inava mona omhito, pamwe, va tambule Etumwalaka, ile momukalo umwe va poripalekwa kovaxunganeki ava ovanaipupulu. Ndele inava—inava mona omhito, ndele tuu ove litulamo lela momtima. Ndele Kalunga oku shii omitima wavo. Ndele apa ova diminwa po, mefimbo eli.

<sup>389</sup> Owe sh ddlika, efimbo likwao ledimine po, olo laIsrael, eshi ta ongala. Olo efutununo litivali. Kalunga ota dimine po Israel mefimbo lOmahepeko. Okudja meemiliona odo tadi ka ongala kwinya, otapa kala ovahoololwa omayovi efele limwe nomilongonhe nanhe, ndele vo otava ka diminwa po, yo. Kalunga ota dimine po Israel.

<sup>390</sup> Didilika, edu alishe otali diminwa po. Otapa ka kala oshinima osho omwedi, eenyofi, noushitwe aushe, tau ka diminwa po. Ou wete eshi shi li? Edu otali liningi lipe, la diminwa po, tali lilongekidile Omileniuma. Omileniuma otai uya po. Ndele, uwete, kesheshimwe shi na onyata yasho otashi ka dimwa po mOshipatifo Oshitihamano.

<sup>391</sup> Paife, paife, owa didilika tuu? Mematulo lOshipatifo eshi Oshitiheyali, oshi li yo moshiholekwa oshitiheyali. Ou ngaha, ndi na...ta popi nokwa popya, kutya oshiholekwa shOmanghuma Aheyali. Omanghuma Aheyali mEulu otaa futununa oshiholekwa eshi. Otashi kala lela pEuyo laKristus,

molwaashi Kristus okwa ti kape na ou e shii kutya onaini Ye ta aluka.

<sup>392</sup> Owa didili ka tuu, eshi Ovajuda ve shi Mu pula? Shiiva... Eshi hatu udi ke Omushangwa apa na Mateus 24, nOipatifo ihamano, Oshipatifo Oshitiheyali osha fyaala ko. Molwaashi, ou wete, Kristus okwa ti, "Kalunga Aeke Yemwene e shi shii; nOvaengeli kave shi shii." Kape nonghumwe, Inashi shangwa nokuli. Ou wete, ova mwena; inapa ningwa sha. Ovaengeli kave Shi shii. Kape na ou e shii kutya onaini Ye te uya.

<sup>393</sup> Ashike otapa kala o—otapa kala o—Omawi Aheyali, Omanghuma aa, oyo tai holola ehololo linene pefimbo opo. Onghee, onda itavela, kufye ava... Nge katu Shi shii, nonge otwa... Itashi shiivika fiyo efimbo olo. Ashike otashi hololwa mefimbo olo, motundi oyo ya wana oku hololwa mo. Onghee, oshinima tu noku ninga oku ngungumana koshipala sha Kalunga, noku Mu longela, noku ninga ashishe tu shii oku ninga, noku kala nawa, eenghalamwenyo dOukriste. Apa, paife, otwa mona kutya Oshipatifo Oshitihamano osha matulwa kufye; otu Shi wete. Ndele otu shi shii kutya Oshipatifo Oshitiheyali eshi itashi matulilwa oshiwana nafiyo otundi oyo ya fika.

<sup>394</sup> Paife, opa li etomhelo olo Kalunga a pitika Omawi Aheyali aa a ngungume. Molwaashi, Oku noku uya, uwete. Osheshi... Otwa mona kutya Kristus, Odjona, okwa kufa e—Embo meke Laye, ndele Ye okwa matula Oshipatifo osho Oshitiheyali. Ashike, ou wete, oshiholekwa sha holekwa. Kape na ou e Shi shii. Ashike, Yo—Yo, okuya naashi Ye a tonga, "Kape na ou ta shiiva Euyo Laye." Itava shiiva yo kombinga yoshiholekwa eshi shOmanghuma Aheyali. Onghee, ou wete, osha kwatakanifwa kumwe.

<sup>395</sup> Oshihapu, otu na eudeko laSho, nena, molwaashi aishe ya Sho aishe oya futununwa; ashike eshi inashi futununwa. Ashike oku kala omutumba monduda yange, onde shi uda... ile, inandi shi uda, shapo, ashike onde I mona tai futununwa kOmanghuma aa Aheyali. Paife, opo twa xulila opo, opo ngaho.

<sup>396</sup> Ndele paife onde lineekela kutya keshe umwe womunye ota longe Kalunga noku ninga eshi shi li mondjila. Noku kala u Mu hole, onghalamwenyo yoye aishe, noku Mu longela. Ndele Kalunga ota file oshisho aishe.

<sup>397</sup> Paife, otu na, mewanifo apa paife, pafilonghenda la Kalunga, oiholekwa aishe yOipatifo ihamano oyo ya kala ya patwa, notu udite ko noku shiiva apa kutya Oshipatifo Oshitiheyali kashi noku shiivika koshiwana.

<sup>398</sup> Paife, Euyo Laye, potundi yEuyo Laye, pehanauno ledu, ou weteko. Ye okwa ti apa, "Edidiliko lilipi po lokuuya kwexulilo lounyuni?" Mu Mateus 24, omo ve Mu pula epulo olo. Okwa ya musho. Okwa tonga kombinga ya Israel a ongelwa onga oshiwana, movelise yo31, ya Mateus 24:31. Ashike hano Ye okwa

tameka momafaneko, uwete. Hano ou wete o... “Lilongeni efaneko lomukwiyu. Ngeenge mu wete tau tula ko eembeyo dawo, oshike, omu shii kutya oitemadula oi li popepi. Ndele hano ngeenge mu wete tashi wanifwa, hano shiiva kutya efimbo oli li popepi.” Uwete, Israel a ongala meduumbo laye. Ashike, didilika, Ye okwa kufa po ehololo lOshipatifo eshi Oshitiheyali.

<sup>399</sup> Ndele apa, eshi Oshipatifo Oshitiheyali, eshi Ye e Shi matula, Ye okwe Shi kufa po yo, uwete. Onghee otu wete kutya Osho oshiholekwa filu, onghee hano efimbo inali fika natango oshiholekwa shi shiivike. Onghee hano, otu li fiyo opapa, naaishe yaSho otashi shiivika nawa pefimbo kutya Jesus okwa holoka vali kedu, molwa Omufuko Waye, ile keshe tuu eshi tashi ningwa po pefimbo opo. Paife, nafiyo efimbo olo, atushe natu ilikaneni, tu kaleni nawa, twa yukilila, eenghalamwenyo dOukriste, twa tala komesho kEuyo Laye.

<sup>400</sup> Ndele paife nge okateipa aka oke lihange momake ovanhu vamwe kumwe po, ino kendabala oku ninga mo oism yoludi lasha. Oshinima ashike to ningi, twikila oku longela Kalunga. Molwaashi, oshiholekwa eshi shinene oshinene unene eshi Kalunga ina efa nokuli Johannes e Shi shange. Oya ngunguma, ashike Ye... oku shii kutya, te tu udanekele kutya Otai matulwa. Ashike, fiyo efimbo eli, ina I matulwa.

<sup>401</sup> Ndele paife otwa pandula Kalunga kwaashi Ye e tu ulikila. Onda kala omutumba monduda mwinya omafiku ahetatu. Ndele Etumwalaka olo nda dja noku mu yelifila, vahapu vomunye mu li apa otamu udu ko. Ndele onda udaneka kutya ope na shimwe sha ningwa, pamhepo, efimbo alishe, osho nda mona kutya omwe shi shekuna. Ndele apa osheshi shi li; eshilipaleko lolela lefatululo eli lOmishangwa la tumwa kuKalunga.

<sup>402</sup> Molwaashi, manga inatu ya mo mu Yo, onda uda nda wilikwa oku ya kouninginino, Omwene okwa ulikila nge emoniko efiku limwe, lwopomulongo komutwe, ongula imwe. Ndele onde uya noku shi yelifa apa, kutya onde shi mona; nighi shii kwa li kutya oshike. Osha li oshuundungila shOvaengeli vaheyali. Ohatu shi dimbuluka. Oto shi mono mokateipa, ha ka ifanwa, *Efimbo Ongapi, Omufimanekwa?* Iya, paife, osho naana mu wete paife. Ovaengeli vaheyali... Onda li kouninginino.

<sup>403</sup> Oto dimbuluka, ovatumwa vanini vanini; ova ya koushilo. Ovatumwa ovatalivi, eenghuti, oudila vanene kashona, ova ya koushilo. Opo nee onda tala... Ova li pamwe naame, efimbo alishe. Osha li Olo Lotete nEshilo Litivali.

<sup>404</sup> Paife, Lititatu ola dja kouninginino, tali kombolola neenghono, onhapo yoshidududu, ndele Tava yambula nge po. Osha li tashi alukile koushilo, noshiholekwa shOipatifo ei Iheyali. Ngaashi sha tongwa mo—mondjodi yaJunior Jackson, oyo Omwene a pitika ndi mu fatululile kwinya, “Meni lopiramidi oyo, omwa li Emanya litoka olo inali shangwa.” Olo etomhelo

ndi noku ya kouninginino, oku kwatakanifwa nEtumwalaka lOvaengeli ava, ndi alukile oku oku I hololela ongeleka. Dimbuluka, onda ti, “Oinima ya shikula ko otai ka kala apa pongeleka.” Osho naana.

<sup>405</sup> Oshinima shikwao, onda hala u didilike eshi sha ningwa po. Ndele nge oto pwilikine kokateipa, *Efimbo Ongapi, Omufimanekwa?*, oto didilike kutya Omwengeli umwe okwa e lilile kwaame. Vakwao ova li ngaho voshito. Ashike Omwengeli ou okwa li Omwengeli e liwetikile. Okwa li kolumosho lange, moshuundungila molupe lopiramidi.

<sup>406</sup> Ndele, dimbuluka, osha li mopiramidi, omo mu na Emanya litoka likumwifa inali shangwa. Ndele Ovaengeli ova twala nge mopiramidi oyo ya Vovene, oiholekwa ya Kalunga oya shiivika ashike kuVo. Ndele, paife, Ova li Ovatumwa ve uya oku fatulula opiramidi oyo, ile Etumwalaka olo loshiholekwa shOipatifo Iheyali oyo i li meni lopiramidi.

<sup>407</sup> Paife, Omwengeli, okwa li kolumosho lange, ota kala shili waxuuninwa, ile Omwengeli omutiheyali, nge otwe Va valula okudja kolulyo. Molwaashi, Ye okwa li kolumosho lange; ame handi Mu talele, kouninginino, Ye ota di koushilo, e li kombingga yokolumosho. Onghee, otashi kala Etumwalaka lomwengeli waxuuninwa, e lilile lela. Oto dimbuluka nhumbi nda ti Ye oku na Waye, a tangananeka omutwe Waye; ndele Aye manene, omavava a twa; nonhumbi Ye a tukila kwaame. Paife, osho Oshipatifo eshi Oshitiheyali. Natango oshinima shi lilile. Ndele otu li... Katu shii kutya Oyo shike, natango, molwaashi ina I pitikwa oku matulwa.

<sup>408</sup> Ashike paife, keshe umwe womunye moshiongalele okwe shi didilika, kutya oshiongalele osha kala ngahelipi! Keshevamwe ova fa ve li... kOxulo yoshipundi shavo. Ndele kesheumwe a fikama apa, poimwe, ombali komutwe omutenya, va teeela omivelo di patuluke, noku ya apa komesho. Va fikama pomakuma; va londa koitai, nakesheshimwe.

<sup>409</sup> Oshikwa shike? Osha kala Omhepo Iyapuki tai tumu ko Ovatumwa ava, ndele Ova kala noku I tu hololela. Ndele hano didilika nhumbi Ya fewa nOndjovo, naana.

<sup>410</sup> Noku mu shiivifila kutya ei Oshili, Okwe shi tonga nale hanga—hang—aemwedi mbali paife, ile dihapu, manga inashi ningwa. Kutya, eshi nda ya kouninginino, ndihe Shi shii; onda alukila apa nefatululo ngaashi Ye e Li yandja. Paife dimbuluka, memoniko, Ye ina lombwela nge sha nande memoniko eshi Ye a twala nge pombada. Okwa li nda tila, nda tila ndi fye, ndi dipawe metopo. Ou wete, Inave shi ninga.

<sup>411</sup> Efatululo ole uya ngaashi nde Li pumbwa, osha li monduda, nonde Li yandja ngaashi Ye e Li yandja.

<sup>412</sup> Paife, omu wete, ookaume, omamoniko ihaa dopa. Alushe okwa yuka. Oku li lela oshili.

<sup>413</sup> Paife, emoniko, kwa wedwa Ondjovo, kwawedwa ondjokonona, kwa wedwa omafimbomido ongeleka, naaishe, okwa lumbakanifwa mumwe. Hano, ohandi dulu oku tya, ngaha, keudeko lange dingi, nopaOndjovo yaKalunga, nemoniko, nehololo, hano efatululo olo OMWENE OSHO TA TI.

<sup>414</sup> Paife, Omwene ne mu yambeke amushe, keshe umwe, lela noupuna, eshi hatu fikama paife noku imba eimbilo eli liwa likulu longeleka. Kalunga ne mu yambeke, keshe umwe. Amen.

<sup>415</sup> [Mumwatate Branham ta weda ko omifinda nhe da shikula ko, da kufwa mokatendo 374-375 kEtumwalaka laye longuloshi ya dja ko, Maalisa 24, 1963—Sd.]

Ondi . . . (Kalunga ne mu yambeke!) . . . Ondi  
Mu hole, (nomutima wange aushe),  
Molwaashi Ye e hole nge tete.

Kalunga ne ku yambeke, Mumwatate Neville . . . ? . . . Kala  
ponhele yoshinakuwanifwa . . . ? . . .



*OSHIPATIFO OSHITIHEYALI* OSH63-0324E

(The Seventh Seal)

OMISHOLONDODO DEHOLOLO LOIPATIFO IHEYALI

Etumwalaka eli kuMumwatate William Marrion Branham, patamekelo layandjelwe mOshiingilisa mOsoondaxa onguloshi, Malisa 24, 1963, kEtawalionalgalo Branham moJeffersonville, Indiana, U.S.A., ola kufwa okudja kekwatelo lengenete teipa nola nyanyangidwa metwokumwe mOshiingilisa. Efatalulo eli Oshikwanyama ola nyanyangidwa noku andjakanekwa koVoice Of God Recordings.

OSHIKWANYAMA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondswana, okutulwa kowebiste, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)